

DS
735
A2Y86
1771a
V. 37

University of Toronto
Library

e 402/b2

ASIAN COLLECTION

御批歷代通鑑輯覽卷之七十三

宋

太宗皇帝

乙未至道元年春正月帝觀燈于乾元樓

帝以上元御乾元門樓觀燈賜宴見京師繁盛諭近臣曰五代之際生靈凋喪周太祖自鄴南歸士庶皆罹剽掠下則火光上則彗孛觀者恐慄當時謂無復太平之日矣朕躬覽庶政萬事粗理每念上天之貺致此繁盛乃知理亂在人呂蒙正避席曰乘輿所在士庶走集故繁盛如此臣嘗見都城外不數里饑寒而死者甚衆願陛下親近以及遠蒼生之幸也

帝變色不言蒙正侃然復位同列咸多其伉直

契丹寇府州。永安節度使折御卿擊敗之。

契丹大將韓德威率衆萬騎誘党項塙克拉木

党項別種舊

作勒浪等族自振武入寇。御卿邀擊敗之于子河漢。在

今改正州府谷縣境。塙克拉木等乘亂反擊德威殺其將突厥浩里

舊作合利等。德威僅以身免。今改正

夏四月。呂蒙正。柴禹錫。蘇易簡罷。

帝嘗欲遣人使朔方。諭中書選可責以事者。蒙正以名上。帝不許。他日三問。三以其人對。帝怒曰。卿何執邪。蒙正對曰。臣非執。臣不欲用媚道。妄隨人主意。以害國事。因稱其人可使。餘人不及。同列竦息不敢動。帝退謂左右曰。蒙正氣量我不如。旣而卒用其人。果稱職。蒙正夾袋中有

呂蒙正夾袋冊子正史不載而宋子名厚言行錄採

之無必秉公正之心絕偏私之見然後能行之無弊否則夾袋之人才羅爲私門之桃李始則市恩邀譽後且立黨分門未明末造多坐此病

冊子每四方人替罷謁見必問其有何人才客去隨即疏之各分門類及朝廷用人卽取之袋中故所用皆當至是罷相判河南

以呂端同平章事張洎參知政事趙鎔知樞密院事

初帝欲相端或曰端爲人糊塗帝曰端小事糊塗大事不糊塗決意用之端持重識大體慮與寇準同列而已

先正台揆恐準不平乃請參知政事與宰相同升政事

堂時同列奏對多異議惟端罕所建明一旦內札戒諭自今中書事必經呂端參酌乃得聞奏端愈謙讓不敢當洎博涉經史善持論爲翰林學士帝嘗謂近臣曰

張洎富有文藝至今尚苦學江東士人之冠也甚見寵遇洎初爲寇準官屬甚恭謹每爲準規畫準心伏以兄事之極薦其才遂與準同列奉之愈謹政事一決于準無所參預惟專修時政記甘言善柔而已

契丹寇雄州何承矩禦卻之

予
聖河漢之敗契丹深恥之故不久即攻府州以圖報復維州逼近遼境鈔掠易經其引騎夜襲富不盡由於因謀洩忿也承矩揭捷書諭州民亦以地當邊鄙民易驚惶宣國威以抑敵勢不得謂之輕脫且寇未至能防既至能拒拒戰能勝尤爲守禦有方更不得謂之失體如是而予以罷斥復何以勵守臣甚矣太宗賞罰之舛也

承矩條子河漢之捷諭州民且揭于市契丹諜知媿忿將襲取承矩以雪恥夜引數千騎抵城下承矩整兵出拒遲明與契丹酣戰契丹復敗走帝聞虜入寇之由謂承矩輕脫生事失守禦體罷之

開寶皇后宋氏崩貶翰林學士王禹偁知滁州

后疾甚遷于故燕國長公主第崩權殯普濟佛舍諡曰

孝章皇后羣臣不成服禹偁對客言后嘗母儀天下當

遵用舊禮帝不悅坐謗訕責知滁州禹偁立朝敢言以

不爲流俗所容故屢見斥

六月以李繼遷爲鄜州節度使繼遷不奉詔

繼遷遣押牙張浦以良馬橐駝來獻帝令衛士射于後

置我何地語幾與唐宣宗
遂爲閹人相類太宗英明
素著不應若此且因宮中
相慶易愠爲喜復召準飲
盡醉尤爲輕率此事諒非
太宗實錄或當時因德昭
廷美之不得其死裨官家
傳說以污巖之耳

園俾浦觀之士皆拓兩石弓有餘力帝笑問浦曰羌人
敢敵否對曰羌部弓弱矢短但見此長鉅人則已遁矣
况敢敵乎乃以浦爲鄭州團練使留京師遣使持詔拜
繼遷鄭州節度使繼遷不受已而繼遷攻清遠軍守臣
張延擊退之清遠軍宋
置故城在寧夏
府靈州東南

秋八月立元侃爲皇太子更名恒大赦

自唐天祐以來中國多故立儲之禮廢及百年至是始
舉而行中外胥悅太子旣立廟見還宮京師民擁道喜
躍曰少年天子也帝聞之不懌召寇準謂曰人心遽屬
太子欲置我何地準再拜賀曰此社稷之福也帝悟入
語后嬪宮中皆前慶帝喜復出延準飲極醉而罷以李

至李沆並兼太子賓客。詔太子以師傅禮事之。太子每見至沆必先拜。至沆不敢當。上表辭謝。帝不許。

冬十一月。召王繼恩還。以上官正。雷有終爲西州招安使。十二月。契丹寇府州。折御卿禦之。卒于軍。

契丹韓德威謀知御卿有疾。遂帥衆攻府州。以報子河汭之役。御卿力疾禦之。德威聞其至。不敢進。旣而疾甚。母密召之歸。御卿曰。世受國恩。邊寇未滅。御卿罪也。今臨敵安可棄士卒自便。死于軍中。乃其分也。爲白太夫人。無念我忠孝。豈得兩全。言訖泣下。翌日卒。詔以其子惟正知府州事。

丙申二年春二月。以太祖孫惟吉字國祥。德昭長子。爲閬州觀察使。

太祖崩時惟吉裁六歲帝卽位猶在禁中日侍中食

膳

也周禮疏王朝食日中食夕食爲三時食中食義蓋本此太平興國八年始出居東

宮未幾授左驍衛大將軍至是授閬州觀察使凡邸第供億車服賜與皆與諸王埒

夏四月遣李繼隆等分道討李繼遷

初帝令洛苑使白守榮護芻粟四十萬赴靈州李繼遷

邀擊于浦洛河

亦曰溥樂河在寧夏府靈州南北流入黃河

守榮衆潰運餉

盡爲繼遷所奪帝怒命李繼隆爲環慶等州都部署將

兵討之會曹璨

字韜光彬之子

自河西還言繼遷衆萬餘方圍

靈武城中上表告急爲繼遷所得遂頓兵不去

此宋史原文言

表爲繼遷所得續綱目刪去上表二字改下二句作使爲繼遷所得則頓兵不去矣似慮靈州爲繼遷所得者

品請龍翠夏以解靈武之圍自是上策即此可見其大事不糊塗不獨福寧即位時不動聲色而定大計於頃刻也太宗於此故不愧知人之哲矣

與史不合。今改正。呂端請發兵出麟府。鄜延。環慶。三道以擣平

夏。襲其巢穴。則靈武之圍解矣。或云。盛夏涉旱海。在靈州東

南。趙珣曰。鹽夏清遠軍間。並係沙磧。俗謂之旱海。無水泉。糧運艱辛。不如靜以

待之。帝不聽。即部分諸將。命繼隆出環。丁罕。潁州人出慶

范廷召。冀州人出延。王超。趙州人出夏。張守恩出麟。五路

進討。直趨平夏。

秋。七月。以陳靖。字道卿。興化莆田人。為京西勸農使。未行而罷。

帝務興農事。詔有司議均田法。太常博士陳靖乞先命

大臣兼屯田制置。令京東西檢責荒地。及逃民產籍之。

募民耕作。賜以牛種室器。俟田成。然後度田均稅。量田

授人。約井田之利。為定法。頒行天下。乃詔靖為勸農使。

皇甫選何亮副之。選等言其功難成。陳恕亦以爲不可。遂出靖知婺州而罷其法。

寇準免

是歲郊祀。中外官皆進秩。準素所喜者。多得臺省清要官。所惡及不相知者。卽序進之。廣州通判馮拯上疏。極陳準擅權。且條上除拜不平數事。帝不懌。張洎揣知帝嫉準。懼一旦同罷。乃奏準誹謗。帝益不悅。會廣東轉運使康戡上言。呂端張洎李昌齡皆準所引。故準得以任胸臆。亂經制。帝怒。召端等責之。端對曰。準性剛。自任。臣等不欲數爭。慮傷國體。因再拜請罪。及準入對。帝語及拯事。準力爭不已。又持中書簿論曲直于帝前。帝因歎

曰鼠雀尚知人意。况人乎。遂罷知鄧州。

以丁惟清知西涼府。

宋初以涼州爲西涼府。後没于夏。

涼州久不內屬。

唐廣德初。州陷吐蕃。咸通中收復。旋即荒廢。後唐長興四年。留後孫超遣使求

旌節。詔拜超節度使。至後周顯德中。復絕于中國。至是請帥從之。

八月。李繼隆副將范廷召遇李繼遷于烏白池。

鹽池也。在寧夏府靈

州東南。元和志。鹽州五原縣有烏白二池。出鹽。卽此。擊敗之。繼隆不見虜而還。

諸將分道並進。期抵烏白池。繼隆遣其弟繼和

字周叔。馳

奏以環州道迂。欲自清岡峽

注見前。

直趨繼遷巢穴。不及

援靈武。上怒曰。汝兄必敗吾事矣。因手札切責。使未至

而繼隆已發兵。與丁罕合。行十日不見虜。引軍還。張守

恩見虜不擊。獨廷召與王超至烏白池。與賊遇。時虜銳

甚超持重不進其子德用字元翰年十七爲先鋒請乘之

轉戰三日虜遂却德用曰歸師遇險必亂乃領兵先絕

要害下令曰亂行者斬一軍肅然虜見其師整不敢近

廷召等大小數十戰雖頗克捷而諸將失期士卒困乏

終不能擒賊

九月秦晉諸州地震

大有年

丁酉三年春正月張洎罷

洎性險詖巧于將順尤善事宦官嘗引唐故事奏內供

奉藍敏政爲學士帝曰此唐弊政朕安可踵覆轍卿言

過矣洎慚而退至是以病罷尋卒

葬孝章皇后。

葬永昌陵北。

自后崩至是踰三年而始克葬。

分天下州軍爲十五路。

京東京西河北河東陝西淮南江南荆湖南北兩浙福建川峽廣南東西凡十五路各置轉運使。

三月帝崩太子恒卽位。

是爲真宗。

帝不豫宣政使王繼恩忌太子英明陰與參知政事李

昌齡

至道二年參知政事。

知制誥胡旦等謀立楚王元佐及帝崩

皇后令繼恩召呂端端知有變卽紿繼恩入書閣鎖閉

之亟入宮后問曰宮車已晏駕立嗣以長順也今將如

何端曰先帝立太子正爲今日豈容更有異議后默然。

乃奉太子至福寧殿卽位。垂簾引見羣臣。端平立殿下不拜。請捲簾升殿審視。然後降階。率羣臣拜焉。

夏四月。尊皇后爲皇太后。赦。

以李至。李沆參知政事。

五月。李昌齡有罪。貶忠武。

軍名。注見前。

行軍司馬。

討謀立楚王之罪。貶昌齡爲行軍司馬。降王繼恩爲右

監門衛將軍。均州安置。胡旦除名。長流潯州。

唐置今爲府。屬廣西。

立郭氏。

守文之女。

爲皇后。

六月。追復涪王廷美爲秦王。復封兄元佐爲楚王。

錢若水請罷。許之。

初。太宗以劉昌言罷。問左右曰。昌言涕泣否。及呂蒙正

御批歷代通鑑輯覽卷之七十三

七

罷。又曰：蒙正望復位，目穿矣。若水因歎曰：上待輔臣如此，蓋無秉節高邁，全進退之道，以感動之者耳。即欲移疾，會西邊用兵，不敢言。至是以母老請解樞務，章再上，乃罷為集賢院學士。若水入謝便殿，帝問近臣可大用者，若水以中書舍人王旦字子明對。帝曰：此固朕所屬也。

冬十月，葬永熙陵。在河南府鞏縣永昌陵西。

史臣曰：太宗沉謀英斷，勤儉自勵，閱農事，考治功，慎刑獄，納諫諍，遇災知懼，有過知悔，故能削平海內，功業炳然。若夫太祖之崩，不踰年而改元，涪陵武功之不得其死，宋后之不成喪，後世不能無議焉。

十二月，追尊母李氏真定人，防禦使英之女。為皇太后。

帝生母也。太宗時，封夫人。尋薨，帝即位，追封賢妃，又進。

上尊號

諡曰元德

李繼遷請降以爲定難節度使復姓名趙保吉。

繼遷表求蕃任帝雖察其變詐方在諒陰姑從其請又

以夏綏銀宥靜五州

靜州五代時以唐靜邊廢州與之置故城在今綏德州米脂縣

張浦亦遣還

真宗皇帝

戊戌咸平元年春正月彗星見詔求直言

彗出營室

注見前

北呂端言應在齊魯分帝曰朕以天下

爲憂豈直一方邪詔求直言避殿減膳

時田錫自知集賢院出知秦州

上疏言李繼遷不合與夏州又不合呼之爲趙保吉乃時事舛誤之大者又言樞密公事宰相不得預聞中書

政事樞密不得預議以致兵謀未精國計未善帝嘉納之

夏四月遣使按諸路逋負悉除之

除天下逋欠一千餘萬釋繫獄者三千餘人用三司判

官王欽若

字定國臨江新喻人

之言也

五月戊午朔日食

冬十月丙戌朔日食

呂端李至罷

端器量寬恕知大體帝深重之每見其入對肅然拱揖不以名呼又以端姿儀瓌大宮廷陞峻特令梓人爲納陛至是以疾罷至亦以目疾求解政柄授武信軍節度使

以張齊賢李沆同平章事向敏中參知政事楊礪

字汝礪京兆鄠

人宋湜字持正。長安人。為樞密副使。

齊賢慷慨有大畧。每以致君自負。常為帝言皇王之道。

帝曰。皇王之道非有跡。但庶事無撓則近之矣。帝嘗問

沆治道所宜先。沆對曰。不用浮薄新進喜事之人。此最

為先。帝問其人。沆曰。如梅詢字昌言。宣城人。曾致堯字正臣。撫州南

豐人。輩是矣。帝又語及唐人樹黨。遂使王室微弱。蓋奸邪

難辨耳。沆曰。佞言似忠。姦言似信。如盧杞蒙蔽德宗。李

勉以為真奸邪是也。一夕內出手詔。欲以劉美人為貴妃。沆對使者引燭焚之。附奏曰。但

道臣沆以為不可。其議遂寢。帝嘗謂沆曰。人皆有密啟。卿獨無何也。對曰。臣待罪宰相。公事則公言之。何用密

啟。夫人臣有密啟者。非讒即佞。臣常惡之。豈可效尤。劉美人。益州華陽人。即劉后也。

己亥二年春閏三月旱求直言。

轉運副使朱台符

字拱正眉州眉山人

上疏言宜重農以積粟簡

卒以省費專將帥之任以安邊慎守令之選以惠民帝

優詔褒答之

夏六月樞密使兼侍中魯公曹彬卒

諡武惠

彬疾帝臨問因詢以契丹事宜彬對曰太祖英武定天

下猶經營和好帝曰此事朕當屈節為天下蒼生然須

執綱紀存大體即久遠之利也又問以後事對曰臣無

事可言臣子璨

字寶臣彬次子

材器皆堪為將帝問其優劣

對曰璨不如璋及卒帝哭之慟贈中書令追封濟陽王

彬在朝廷未嘗忤旨亦未嘗言人過失伐二國秋毫無所取位兼將相不以等威自異遇士大夫于途必引車避之不名下吏每白事必冠而後見居官俸入給宗族無餘積守法度保功名為宋良將第一

秋七月初給外任官職田。

以官莊及遠年逃田充之。悉免租稅。

初置翰林侍讀侍講學士。讀講學士始此。

詔中楊徽之夏侯嶠字峻極。濟州鉅野人。為侍讀學士。邢昺

為侍講學士。設直廬于秘閣。更直召對。詢訪或至中夕。

尋詔昺與杜鎬舒雅孫奭等校定周禮儀禮公羊穀梁春秋傳孝經論語爾雅義疏。杜鎬字文周常州無錫人。舒雅字子正宣城人。

孫奭字宗古博平人。

九月庚辰朔日食。

冬十月契丹入寇。都部署康保裔河南洛陽人。與戰于瀛州死。

之十二月帝自將禦契丹。次于大名。

契丹主隆緒大舉入寇。攻遂城。城小無備。眾情危懼。守

將楊延朗

業之子

集衆登陴固守。會大寒。汲水灌城上。旦

悉爲冰。堅滑不可上。契丹乃引去。掠祁。趙。邢。洺。州。時真

定。高陽。關。都。部。署。傅。潛。

冀州衡水人。

擁步騎八萬餘。畏懦不

進。閉營自守。將校請戰者。則醜言詈之。朝廷間道遣使

督潛出兵會擊。潛不聽。范廷召忿詬曰。公恇怯。乃不如

一嫗。鈴轄張昭允。

字仲孚。衛州人。

又屢勸之。潛不得已。乃分騎

八千付廷召。仍許出師爲援。廷召復求援于都部署康

保裔。保裔卽領兵赴之。遇虜于瀛州。會暮。約詰旦合戰。

遲明。虜圍之數重。左右請易甲以遁。保裔曰。臨難無苟

免。正吾效死之日也。遂決戰數十合。殺傷甚衆。兵盡矢

絕而援不至。保裔歿焉。

續綱目。范廷召潛遁。保裔不之覺。遂戰歿。考宋史。康保裔傳。潛

傳潛總握重兵畏懦不進聞請戰則醜言相詬其玩愒之罪已浮于孫全興之擁兵自固及廷召忿詬始付以一旅而于應援合勤諸部署鑿置不問坐致折將償軍其失律更無可追乃全興尙伏司敗之誅而於潛曲貸戮社之典何以彰必罰而肅軍政耶

范廷召傳俱無廷召于瀛州潛遁事真宗紀潛等皆遠流不及廷召其無潛遁事可知今依宋史改輯契丹遂自德棣濟河掠淄齊十二月帝親禦之以李沆爲東京留守命王超等督先鋒示以戰圖遂次大名聞保裔死優詔賻之贈侍中錄其二子一孫又聞諸將告急于潛潛不遣兵而有功者抑不以聞帝命王繼英祥符人代之羣臣請誅潛詔削官長卽軍中召潛還以高瓊燕人代之羣臣請誅潛詔削官長流房州

庚子三年春正月契丹引還范廷召追敗之

契丹知帝親征乃縱掠而去廷召等追敗之于莫州斬首萬餘級盡獲所掠餘寇遁出境

益州戍兵作亂推王均爲首都巡檢使劉紹榮死之均遂

陷漢州。詔以雷有終爲川峽招安使。將兵討之。

初。神衛卒戍益州。以都虞候王均。董福分領之。福御衆

有法。所部皆優贍。均好飲博。軍裝悉以給費。兵馬鈐轄。

符昭壽。

彥卿子。

驕恣侵虐。軍士素怨之。正月朔旦。戍卒趙

延順等八人爲亂。遂殺昭壽。是日。益州官吏方賀正旦。

聞變皆奔竄。知州牛冕。

徐州彭城人。

與轉運使張適。縋城而

去。惟都巡檢使劉紹榮。冒刃格鬪。衆寡不敵。叛卒尙未

有主。欲奉紹榮。紹榮攝弓矢罵曰。我本燕人。棄虜歸朝。

豈能與爾爲逆邪。亟見殺。我終不負朝廷也。監軍王澤

召王均謂曰。汝所部爲亂。盍自往招安之。叛卒見均至。

卽擁之爲主。紹榮自經死。

均遂僭號大蜀。改元化順。署置官稱。以小校張鋹爲謀主。

已而均率眾攻陷漢州。進寇綿州。不克。直趨劍州。為知

州李士衡

字天鈞。秦州成紀人。

所敗。還保益州。帝將發大名。奏至。

即日以戶部使雷有終為川峽招安使。李惠石普

太原人。

李守倫並為巡檢使。給步騎八千往討之。上官正。李繼

昌

字世長。上黨人。

等皆隸焉。

知蜀州楊懷忠。聞均作亂。即調鄉丁。會諸州巡檢兵討之。入益州。焚

城北門。與賊戰。不敵而退。復檄嘉眉七州。合兵再進。軍于州南十五里。鷄鳴原。以俟王師。

帝至自大名。

上之在大名也。詔調丁夫十五萬修黃河。監察御史王

濟

字濟川。深州饒陽人。

以為勞民。請徐圖之。乃命濟馳往經度。還

奏省其什六七。張齊賢以河決為憂。因對并召濟入見。

齊賢請令濟署狀。保河不決。濟曰。河決亦陰陽災沴所

張齊賢以河決為患。意在多集丁夫。王濟以調發勞民意在減省力役。各執一偏。而皆未得其要。不知微風回瀁。擾閭閻若量給口食。使工作有資。則窮黎未

豈不可藉以餬口倘修防不豫或有蟻潰之虞所傷奚啻萬健饒鍾之瘞為彼時計但當董以幹吏剋日城上不此之務而但于多寡之間斷斷爭辯可謂不揣其本而齊其末矣

致宰相若能和陰陽弭災沴為國家致太平河之不決臣亦可保齊賢曰若是則今非太平邪濟曰北有胡寇西有繼遷兩河關右歲被侵擾以陛下神武英畧苟用得其人可以馴致今則未也上動容獨留濟問以邊事退而著備邊策十五條以獻未幾選官判大理寺欲得剛正不同者上曰王濟近之即以此命濟

二月以周瑩

瀛州景城人

王繼英知樞密院事王旦同知院事

初旦為翰林學士嘗奏事退帝目送之曰為朕致太平者必此人也

三月戊寅朔日食

夏四月太子太保呂端卒

諡正惠

端屢經擯退。未嘗以得喪介懷。及疾篤。帝親視之。端不能興。撫慰甚至。卒。贈司空。

六月。以向敏中爲兩河宣撫大使。

以大兵之後。特命重臣巡慰河北河東。訪民疾苦。

冬十月。雷有終復益州。王均走死。

先是有終等至益州。爲賊所敗。

時都巡檢使張思鈞已復漢州。有終等進壁昇

仙橋。賊開門僞遁。有終等帥兵徑入。伏發。官軍悉被殺。有終緣堞而墜。得免。李惠死之。

張思鈞。邢州沙河人。

昇仙橋在成都縣北。

退保漢州。旣而賊由昇仙橋分路襲王師。有

終帥兵逆擊。大敗之。均單騎還城。遂撤橋塞門。有終與

石普進屯于城北。分遣將校攻城。東西南三面。賊出戰。

屢敗。日益消沮。至是有終等入城。均夜與其黨二萬餘。

突圍而遁。有終遣楊懷忠追至富順監。

宋置。今爲縣。屬叙州府。

及

之。均方在監署中。與蠻會飲。其黨多醉。不能枝梧。均乃縊死。懷忠取均首。及僭僞法物。旌旗甲馬甚衆。擒其黨六千餘人。詔進有終。懷忠等秩。而流牛冕儋州。張適連州。以翰林學士王欽若。知制誥梁顥。

字太素。鄆州須城人。

往安撫之。

十一月。張齊賢免。

齊賢與李沆不相得。日南至朝會。齊賢被酒失儀。遂坐免。

辛丑

四年。春。二月。詔羣臣子弟補京官者。試一經。

夏。四月。回鶻來貢。

願助討李繼遷

六月汰冗吏。

天下凡汰冗吏十九萬五千八百餘人。選曹爲清。

頒九經于州縣學校。

秋八月以張齊賢爲涇原諸路經畧使。

靈武逼近西夏守之足以
扞邊圍棄之足以啓寇資
大勢較然不待智者而知
也卽以孤懸爲慮亦惟繕

帝以趙保吉雖入貢而鈔刦益甚乃遣齊賢行邊齊賢
言靈武孤城必難固守徒使軍民六七萬陷于危亡之
地通判永興軍何亮復上安邊書言靈武地方千里表
裏山河決不可舍之以資戎狄帝不能決詔羣臣議棄
守之宜楊億字大年建州浦城人言棄之便輔臣咸以靈州乃必
爭之地苟失之則緣邊諸郡皆不可保帝惑之李沆曰

備聯絡以張犄角奈何不顧唇亡齒寒之患而自撤其藩籬耶當日眾論紛如惟輔臣所執尚合正理至楊億議主棄地誠書生畏葸迂談即李沆定壘而歸之說亦不免示弱後此靈州失陷亦以無援僞事使王超即從前命趨赴豈有踈虞真宗轉悔不用沆言何見之乎也

保吉未死靈州非朝廷有莫若遣使密召諸將使部分軍民空壘而歸如此則關右之民息肩矣帝不從以王超為西面行營都部署將步騎六萬援靈州齊賢又請募江南丁壯以益戍兵帝曰此不惟人心搖動抑使南方之人遠戍西鄙甚不便也寢其奏

九月趙保吉反陷清遠軍注見前

保吉寇清遠軍都監段義叛降于保吉都部署楊瓊汾州

人河西擁兵不救城遂陷保吉勢益張大復攻定州宋置故城

在今寧夏懷遠後周縣宋為鎮今寧夏府寧夏縣是又掠輜重至唐龍鎮

在寧夏副都部署曹瑛以番兵邀擊敗之

冬十月契丹寇遂城都部署王顯敗之

契丹謀入寇。朝廷聞之。以王顯爲鎮定高陽關都部署。王超副之。是月。顯與契丹戰于遂城。大敗之。戮二萬餘人。契丹進次滿城而還。

壬寅五年春三月。趙保吉陷靈州。知州事裴濟字仲溥。死之。聞喜人。

濟知靈州。謀輯八鎮。卽懷遠等鎮。已沒。西夏地理志不載。興屯田之利。民

甚賴之。保吉大集番部來攻。濟被圍。餉絕。刺指血染奏求救。兵不至。城遂陷。濟死焉。保吉以州爲西平府。居之。帝得報。悔不用李沆之言。詔王超屯永興軍。

秋七月甲午朔日食。

九月。召种放爲左司諫直昭文館。

張齊賢言放孝行純至。簡朴退靜。可厲風俗。下詔召之。

种放初對數語。不過老生常談。了無異人處。及斬還。復出。卽恃恩。縱恣素節頓。

此
噤聲虛聲不足憑信者

放乃詣京師。對於崇政殿。賜坐。詢以民政邊事。放對曰。明王之治。愛民而已。惟徐而化之。餘皆謙讓不對。即日授左司諫。直昭文館。放固讓不許。賜予甚厚。時召對焉。

明年。請暫還山。許之。遷起居舍人。

放既還。後數朝京師。東封西祀。無不預。祿

賜既豐。頗飾輿服。置田長安。疆市爭訟。時議薄之。王嗣宗守京兆。因條上其不法事。極其醜詆。曾赦而止。杜鎬嘗因宴餞賦詩。誦北山移文以譏之。放不之愧。王嗣宗字希阮。汾州人。

癸卯

六年春二月。以六谷酋長巴喇濟

西涼府吐蕃族首領。按巴喇濟舊作潘

羅支。今改正。

為朔方節度使。

知鎮戎軍

宋置。今平涼府鎮原縣是。

李繼和言。巴喇濟願戮力討趙

保吉。請授以刺史。張齊賢請封為六谷王。兼招討使。帝

以問宰相。皆曰。巴喇濟已為酋帥。授刺史太輕。未領節

鎮加王爵非順。招討使號不可假外夷。乃授朔方節度使。靈州西面都巡檢使。巴喇濟表言感朝廷恩信。憤保吉倔彊。已集騎兵六萬。乞會王師收復靈州。帝許之。

夏四月。副都部署王繼忠

開封人。

與契丹戰于望都。敗績。契

丹執繼忠以去。

耶律諾郭

字延寧。太祖母弟。舊作奴瓜。今改正。

寇望都。高陽關副都部署

王繼忠與大將王超。桑贊等帥兵赴之。至康村。

在望都縣東北。

與諾郭戰。繼忠陣東。偏為敵所乘。超贊皆畏縮。退師。繼

忠與麾下躍馬馳赴。服飾稍異。契丹識之。圍數十重。士

皆殊死戰。且戰且行。旁西山而北。至白城。

在保定府清苑縣西南。

力不能支。遂被執。帝聞之。謂其已死。優詔贈官。繼忠見

契丹主于炭山

此又一炭山。在今宣化府萬全縣西南。遼史歸化州有炭山。謂之陁頭。有涼殿。

卽此。非遼初建城于

蕭太后知繼忠才賢。授戶部使。

繼忠

後遂仕于契丹。更姓名爲耶律顯忠。又改名宗信。

復以張詠知益州。

帝以詠前在蜀治政優異。復自永興徙知益州。民間詠再至。皆鼓舞相慶。詠威惠並行。政績益著。下詔褒美。且令巡撫使傳諭詠曰。得卿在蜀。朕無西顧之憂矣。

六月。以寇準爲三司使。陳恕罷。

恕久領三司。帝初卽位。嘗命條具中外錢穀。恕久不進。屢詔趣之。恕對曰。陛下富于春秋。若知府庫充實。恐生侈心。是以不敢進也。帝嘉之。至是以疾固求館殿之職。

帝曰。卿求一人可代者。聽卿去。恕遂薦準。準至三司。檢尋恕前後改創之事。類爲冊。及其所出榜。別用新板。躬至恕第。請判押。恕亦不讓。一一押之。自是計使無不循其舊貫。

恕精于吏理。人不敢干以私。掌利柄十餘年。強力幹事。胥吏畏服。

冬十一月。有星孛于井鬼。

天文志。南方輿鬼五星。爲天目。

十二月。右諫議大夫田錫卒。

錫居諫署。慕魏徵。李絳之爲人。以盡規獻替爲已任。直言時政得失。每指斥將相備位。前後章疏凡五十有二。續綱目作五十二卷。今依宋史錫傳改正。悉焚之曰。直諫臣職也。豈可藏副。示後以賣直邪。及卒。帝謂李沆曰。田錫直臣也。朝廷少有關失。方在思慮。錫之章疏已至矣。嗟惜久之。

趙保吉陷西涼。殺丁惟清。巴喇濟會蕃部擊敗之。保吉走死。子德明嗣。

保吉陷西涼。殺丁惟清。于是巴喇濟僞降。保吉受之不

疑。巴喇濟集六谷番部合擊之。保吉大敗。中流矢。創甚

奔還。死于靈州境上。子德明遣使告哀于契丹。契丹贈

保吉尚書令。尋封德明爲西平王。環慶

宋以慶環鄜寧乾五州爲環慶

路。邊城以德明初立。乞降詔撫之。帝乃詔德明。令審圖

去就。知鎮戎軍曹瑋上言。保吉擅河南地二十年。兵不

解甲。使中國有西顧之憂。今其國危子弱。不卽捕滅。後

更彊盛。不可制矣。願假臣精兵。出其不意。擒德明。送闕

下。復河南爲郡縣。此其時也。帝欲以恩致德明。不報。

西夏屢世叛降反覆保吉既死其機實有可乘邊將降詔撫安之請自不若曹瑋之擒而郡縣之爲深中竊要也使真宗早從其計何至他日鮮西顧憂乃下審彼已安思以恩招致遂聽其滋蔓日益鳴張元昊以後更不可制邊釀成邊患姑息之流弊豈直難禁

不去將募柯已哉

甲辰景德元年春正月京師地震。

丙申震癸卯丁未復震

三月皇太后李氏崩。諡明德。

秋七月尚書右僕射同平章事李沆卒。諡文靖。

沆卒帝往臨哭之慟謂左右曰沆忠良純厚始終如一。

豈意不享遐壽邪。贈太尉中書令。時西北用兵帝便殿延訪或至盱食王旦

嘆曰我輩安得坐見太平優游無事邪。沆曰疆敵外患足為警戒他日四方寧謐朝廷未必無事。沆曰取四方水旱盜賊奏之。旦以為細事不足煩帝聽。沆嘆曰人主少年當使知四方艱難不然血氣方剛不留意聲色犬馬則土木甲兵禱祀之事作矣。吾老不及見此參政他日之憂也。丁謂與寇準善。準屢薦其才于沆。沆不用。準問之。沆曰。願其為人。可使之在人上乎。準曰。如謂者。相公終能抑之。使在人下乎。沆笑曰。他日當思吾言。沆嘗言。居重位無補。惟中外所陳利害。一切報罷之。少以報國爾。朝廷防制。纖悉具備。或徇所陳請。行一事。即所傷

李沆身行已然無疵其學識亦出王旦寇準上可稱當時賢相惟云中外所陳利害一切報罷則未

免過偏凡事商論其理之可否以定行止若果有益於國計民生無論忠謀碩望當立見施行即憒人或數陳為干進之階而所言近理亦不應繫以人廢設豫存成見事皆扞格不行必致下情無由上達而政府沮抑庶務亦啓操切之端惜乎沆之未見及此也

多矣。陸象先所謂庸人擾之是已。儉人苟一時之進。豈念厲民邪。沆嘗讀論語。或問之。沆曰。沆為宰相。如節用而愛人。使民以時。尚未能行。聖人之言。終身誦之可也。沆性直諫。內行修謹。居位慎密。不求聲譽。遵法度。識大體。人莫能干以私。公退。終日危坐。未嘗跛倚。治第封邱門內。廳事前。僅容旋馬。或言其太隘。沆笑曰。居第當傳子孫。此為宰相廳事。誠隘。為太祝奉禮廳事。則已寬矣。丁謂。字公言。初字謂之。蘇州長洲人。

盜殺朔方節度使巴喇濟。

趙保吉既死。故黨密班珠爾。

舊作迷般。今改正。

及日巴勒戢。

舊作

日逋吉。羅丹二族亡歸扎巴。

舊作者危。今改正。

族欲陰圖巴喇

濟復讐。會其黨攻扎巴。巴喇濟率百餘騎赴援。將議合

擊。遂為二族所戕。六谷諸豪共立巴喇濟之弟斯榜多

舊作斯鋒。督今改正。

為首領。朝廷聞之。授斯榜多朔方節度使。

八月。以畢士安寇準同平章事。王繼英為樞密使。

初。士安既拜參知政事。入謝。帝曰。未也。行且相。卿因問誰可與卿同進者。對曰。寇準兼資忠義。善斷大事。臣所不如。帝曰。聞其好剛使氣。對曰。準忘身徇國。秉道嫉邪。故不爲流俗所喜。今天下之民。雖蒙休德。涵養安佚。而北戎跳梁。爲邊境患。若準者。正宜用也。帝曰。然。當藉卿宿德鎮之。準既相守。正疾惡。小人日思所以傾之。士安每爲申辨。帝始不疑。

閏九月。契丹主大舉入寇。

契丹主隆緒同其母蕭氏大舉入寇。遣其統軍順國王

蕭達蘭攻威虜順安軍北平砦。

本漢縣。宋爲砦。後改軍。故城在今保定府完縣。

保州皆敗。乃與契丹主合衆攻定州。王超拒于唐河。古

嘔夷水。源出山西流逕唐縣。謂之唐水。入于定州。謂之滹水。下流與滋沙諸河合。又分兵圍岢嵐軍。

高繼勳

字紹先。瓊長子。

力戰禦之。又攻瀛州。李延渥

并州晉陽

人。擊敗之。契丹遂駐兵陽城淀。

在慶都縣東南。水經注。陽城故城。近在西北。故

名焉。號二十萬。每縱游騎剽掠。小不利。輒引去。徜徉無鬪

志。寇準聞之曰。是狃我也。請練師命將。簡驍銳據要害

以備之。

冬十月。契丹來議和。遣閭門祗候曹利用。

字用之。趙州寧晉人。報之。

故將王繼忠為契丹言和好之利。契丹以為然。遣李興

以繼忠書及密表。詣莫州部署石普議和。普以聞于朝。

朝臣莫敢如何。畢士安請羈縻之。漸許其平。帝曰。敵悍

如此。恐不可保。士安曰。臣嘗得契丹降人言。其雖深入。

屢挫不得志陰欲引去又耻無名且彼寧不畏人乘虛
覆其巢穴此請殆不妄于是詔諭繼忠許其通和繼忠
復附奏乞先遣使帝乃遣曹利用詣契丹軍帝語之曰
契丹南來不求地則邀賂爾關南地歸中國已久不可
許漢以玉帛賜單于有故事利用憤契丹色不平對曰
彼若妄有所求臣不敢生還帝壯其言

置龍圖閣

奉太宗御製文集及典籍圖書寶瑞之物與宗正所進
屬籍并置待制學士官自是每帝皆置一閣

十一月契丹進寇澶州帝自將禦之

契丹陷德清軍

石晉置故城在今大名府清豐縣

逼冀州遂抵澶州邊

書告急。一夕五至。寇準不發。飲笑自如。帝聞之大駭。以問準。對曰。陛下欲了此。不過五日耳。因請帝幸澶州。同列懼欲退。準止之。令候駕起。帝難之。欲還內。準曰。陛下入。則臣不得見。大事去矣。請毋還。畢。士安力勸帝如準所請。帝乃議親征。召羣臣問方略。時以虜寇深入。中外震駭。王欽若。臨江人也。請幸金陵。陳堯叟。字唐夫。閬州人也。請幸成都。帝以問準。準心知二人謀。乃陽若不知者。曰。誰爲陛下畫此策。罪可斬也。陛下神武。將臣協和。若大駕親征。敵當自遁。不然。出奇以撓其謀。堅守以老其師。勞佚之勢。我得勝算矣。奈何棄廟社。欲幸楚蜀。所在人心崩潰。敵乘勝深入。天下可復保邪。帝意乃決。時欲擇大

臣鎮大名。準薦欽若。遂詔判天雄軍。蓋準以欽若多智。恐妄有所疑沮。故出之。欽若至天雄。契丹臨境。欽若閉門束手無策。但修齋誦經而已。

李繼隆軍射殺契丹將蕭達蘭。

契丹圍澶州。李繼隆整軍禦之。會有自虜中回者。言達

蘭謀以遲明襲寨。繼隆伏兵分據要害。頃之。控弦暴至。

達蘭躬出陣前督戰。繼隆將張環字唐公。泊之孫。守牀子弩。弩

撼機發。射殺之。達蘭有機勇。所領皆銳兵。旣死。虜大挫。

衄。時魏能守安肅軍。楊延朗守廣信軍。二軍最切虜境。而攻圍百戰不能下。及虜退出境。延朗追躡轉戰。未

嘗敗衄。時人目二軍曰銅梁門。鐵遂城。梁門。安肅軍治。遂城。廣信軍治也。魏能。鄆人。梁門。卽戰國趙汾門。宋

置砦。今保定府安肅縣是也。遂城。注見前。

以王旦爲東京留守。

王旦待寇準數語不過袖
國有君矣之說耳然君父
在外大敵在前卽以凶語
致啟其心實不可問卽有
此心以爲爲國大計毋寧
俟實有其事而行之亦自
不待致問也

初帝親征以雍王元份

太宗第五子

留守旦等皆扈從至是

元份以暴疾聞命旦馳還代之旦曰願宣寇準臣有所
陳準至旦奏曰十日不捷何以處之帝默然良久曰立
太子旦至東京直入禁中下令甚嚴人無知者

十二月庚辰朔日食

帝渡河次澶州契丹請盟而退帝還京

帝在道又有以金陵之謀告者帝意稍惑召準問之準
曰陛下惟可進尺不可退寸河北諸軍日夜望鑾輿至
士氣百倍若回輦數步則萬衆瓦解虜乘其後金陵亦
不可得至也準出遇殿前都指揮使高瓊曰太尉受國
厚恩今日有以報乎瓊曰願效死準復入瓊立庭下準

真宗澶淵之役在道卽爲金陵之謀所惑及河則見敵兵之盛而止其心已懷猶豫追勉疆進輦以軍事付準繼復力主議和雖百萬亦所弗惜其惴惴之狀不啻深入虎穴欽若揣測章旨故孤注之議得以申之其託言耻城下之盟猶

曰陛下不以臣言爲然。盡試問瓊。瓊卽奏曰。寇準言是準又曰。機不可失。宜趣駕。帝乃晨發。適苦寒。左右進貂裘。帝卻之曰。將士皆寒。朕安用此。帝至澶州南城。卽德勝寨之南城。注見前望見契丹軍勢甚盛。衆請駐蹕。寇準固請曰。陛下不過河。則人心益危。敵氣未懾。非所以取威決勝也。且王超領勁兵屯中山以扼其吭。李繼隆石保吉。字祐之守信分大陣以扼其左右肘。四方征鎮赴援者日至。何疑而不進。高瓊亦固以請。卽麾衛士進輦。帝遂渡河。御北城門樓。遠近望見御蓋。踴躍呼萬歲。聲聞數十里。契丹相視益怖駭。帝悉以軍事付準。準承制專決。號令明肅。士卒畏悅。已而契丹數千騎來薄城下。詔士卒迎擊。斬

飾爲奇居之名耳

御批歷代通鑑輯覽

卷之七十三

三

獲大半。乃引去。帝還行宮。留準居北城上。徐使人視準。何爲。準方與知制誥楊億飲博。歌謔歡呼。帝喜曰。準如是。吾復何憂。契丹遣其臣韓杞持書與曹利用俱來請盟。利用言。契丹欲得關南地。帝曰。所言歸地事。極無名。若必邀求。朕當決戰。若欲金帛。朝廷之體固亦無傷。準不欲賂以貨財。且欲邀其稱臣。及獻幽燕之地。因畫策以進曰。如此則可保百年無事。不然。數十年後。戎且生心矣。帝曰。數十年後。當有捍禦之者。吾不忍生靈重困。姑聽其和可也。準尙未許。會有譖準幸兵以自取重者。準不得已。乃許其成。復遣曹利用如契丹。軍議歲幣。帝曰。必不得已。雖百萬亦可。準聞之。召利用至幄。謂曰。雖

潭州告急。都邑震驚。庸懦者束手。倉皇奸狡者議遷。楚蜀安危之機懸於呼吸。

寇準處以鎮靜而羣心安
太贊親征而敵氣懾不勞
亡矢遺鏃而轉旋於俄頃
之間可謂功在社稷矣論
者或惜其不決戰於士卒
懽呼之際以定厥功而杜
後患乃迂儒侈口快談而
未達於時勢不知欲和之
意草定於真宗準亦不宜
違君命而邀已功且契丹
傾國而來志不在小雖達
蘭戰歿少挫其鋒而精銳
薄城亦未易輕敵若必邀
其盛地稱臣激極生變成
敗尚未可知則適可而止
亦不得謂之坐失事會也

有敕旨。汝所許過三十萬。吾斬汝矣。利用至契丹軍。蕭
太后謂利用曰。晉昇我關南。周世宗取之。今宜見還也。
利用曰。晉周事。我朝不知。若歲求金帛以佐軍。尚不知
帝意可否。割地之請。我不敢以聞。契丹政事。舍人高正
始遽前曰。我引衆以來。圖復故地。若止得金帛而歸。吾
愧吾國人矣。利用曰。子盍爲契丹熟計。使契丹用子言。
恐連兵結釁。非國利也。契丹猶覬關南。遣其監門衛大
將軍姚東之持書復議。帝不許而去。利用竟以銀十萬
兩。絹二十萬匹。成約而還。戒諸將勿出兵邀其歸路。契
丹遣其閤門使丁振持誓書來。以兄禮事帝。引兵北歸。
帝遂還京。

乙巳二年春正月大赦

以契丹講和大赦天下放河北諸州彊壯歸農罷諸路行營省河北戍兵十之五緣邊三之二詔緣邊毋出境

掠奪得契丹牛馬悉縱還之通互市葺城池招流亡廣

儲蓄由是河北民得安業皆畢士安之謀也士安請按邊要選守

將以馬知節知定州楊延昭知保州又以李允則知雄州孫全照知鎮州他所擇任悉當其才馬知節字子

元全義子楊延昭即延朗改名李允則字垂範謙溥子孫全照字繼明行友子

置國信司

以契丹修好則有慶弔之使乃置國信司專主之領以

宦者時遣太子中允孫僅字隣成蔡州汝陽人賀蕭太后生辰致

書自稱南朝以契丹為北朝直史館王曾字孝先青州益都人上

言春秋書外夷。爵不過子。今從其國號足矣。何用對稱兩朝。帝以爲然。弗果易。僅隨事損益。豐約中度。後奉使者悉循其制。時稱得體。

夏四月。王欽若罷。以馮拯參知政事。

欽若與寇準不協。累表願解政事。特置資政殿學士授之。

秋七月。增置制舉六科。

賢良方正等三科。久不行。至是增置爲六科。曰賢良方

正。能直言極諫。爲一科。博通墳典。達于教化。爲一科。才識兼

茂。明于體用。爲一科。詳明吏理。可使從政。爲一科。識洞韜畧

運籌決勝。爲一科。軍謀宏遠。材任邊寄。爲一科。凡六科。詔中

書門下試察其才具名奏聞臨軒親策之

歸幣于契丹

自是歲以爲常

八月有星孛于紫微

注見前

以向敏中知延州

先是趙德明以父有遺命遣使乞歸順詔以敏中爲緣邊安撫使受其降時帝幸澶淵賜敏中密詔書付西鄙許便宜從事敏中得詔藏之視政如常日邊蕃以安至是以德明誓約未定徙敏中爲都部署兼知延州委以經畧

冬十月吏部侍郎同平章事畢士安卒

諡文簡

士安既卒。帝謂輔臣曰。士安飭躬畏謹。有古人之風。遽此淪沒。深爲悼惜。及王旦爲相。面奏士安官至輔相。而四方無田園居第。沒未終喪。家用已訕。真不負陛下之所知矣。帝感歎。賜其家白金五千兩。

十一月。契丹遣使來聘。自是往來不絕。

丙午三年春二月。罷寇準知陝州。

準在太宗時。除拜不平。爲馮拯所劾。爭執殿廷。因而罷相。至此復矜功自專。除官不拘例簿。仍未改其故習。試思宰相贊襄政務。果於人才真知灼見亦止常

準爲相。用人不以次。同列頗不悅。他日除官。同列目吏持例簿以進。準曰。宰相所以進賢退不肖。若用例。一吏職耳。自澶淵還。頗矜其功。帝待準甚厚。王欽若深嫉之。一日會朝。準先退。帝目送之。欽若因進曰。陛下敬準。爲

薦之朝廷以備錄豈可不循資格任情高下詡詡然以進賢退不肖自負乎此即登用悉皆公當尚不免跡涉擅權若稍近徇私其害政尤不可問王旦嘗謂準好人懷惠又欲人畏威誠切中其病惜乎準有幹濟之才而時公忠之義也

其有社稷功邪。帝曰然。欽若曰。澶淵之役。陛下不以爲恥。而謂準有社稷功。何也。帝愕然曰。何故。欽若曰。城下之盟。春秋恥之。澶淵之舉。以萬乘之貴。而爲城下之盟。何恥如之。帝愀然不悅。欽若曰。陛下聞博乎。博者輸錢欲盡。乃罄所有出之。謂之孤注。陛下。寇準之孤注也。斯亦危矣。帝由是顧準寢衰。竟罷爲刑部尙書。出知陝州。

初。張詠在成都。聞準入相。謂僚屬曰。寇公奇材。惜學術不足爾。及準知陝。詠適自成都還。準送之郊。問曰。何以教準。詠徐曰。霍光傳不可不讀也。準莫諭其意。歸取其傳讀之。至不學無術。笑曰。此張公謂我也。未幾。移準知天雄軍。契丹使過大名。謂準曰。相公望重。何故不在中書。準曰。主上以朝廷無事。北門鎖鑰。非準不可耳。

以王旦同平章事。趙安仁

字樂道。河南洛陽人。

參知政事。

帝謂旦曰。寇準多許人官爲已任。卿當深戒之。

置諸州常平倉

詔京東。西河北。東陝西。江南。淮南。兩浙。皆立常平倉。計戶多寡。量留上供錢。歲夏秋視市價賤貴。量減增糶。糶三年以上不糶。卽回充糧廩。易以新粟。其後荆湖。川峽。廣南。悉置焉。

冬十月。趙德明請降詔以爲定難節度使。

向敏中言。德明屢表歸欵。復奉誓表。請藏盟府。帝嘉之。乃遣使授德明檢校太師兼侍中。充定難軍節度使。封西平王。賜資甚厚。因責其子弟入質。德明謂非先世故事。不遣。惟獻駝馬謝恩而已。未幾。契丹亦冊德明爲夏國王。德明終其身三十一年。不敢窺邊。

葬明德皇后。

先是后崩。權殯沙臺。至是始附葬永熙陵。

丁未四年春正月。帝如西京。謁諸陵。作太祖神御殿。三月。還宮。

又置國子監于西京。

契丹城遼西為中京。今喀喇沁右翼南有故大寧城廢址。遼中京大定府也。方輿紀要遼中京。

金曰北京。元為大寧路。明洪武初置大寧衛。封寧王權于此。永樂初寧藩徙封南昌衛。遂廢。

遼西幅員千里。多大山深谷。險阻足以自固。唐初置饒

樂都督府。以饒樂水名。饒樂水方輿紀要以為在大寧城。北東北流入于潢河。潢河在今克什克騰

界。蒙古名錫喇穆稜。東北流會諸水。逕巴林及科爾沁等境。入于遼。即遼河之西。一源也。至是契丹

主建都于此。倣臨潢。遼上京也。故城在今巴林東北。以臨潢水名。置宮掖樓。

閣府庫城市實以漢戶號中京。

夏四月皇后郭氏崩。諡莊穆。

五月丙申朔日食。

六月葬莊穆皇后。葬永熙陵西北。仁宗時改諡章穆。

秋八月權三司使丁謂上景德會計錄。

自乾德中諸州支度經費外凡金帛悉送闕下。于是利歸公上而條禁文簿漸為精密。吏不得售其奸。太宗尤留意財用。淳化初詔三司每歲具見管金銀錢帛軍儲等簿以聞。至是謂權三司使著會計錄以獻。因條大禮經費以備參較。優詔獎之。謂機敏有智謀。儉狡過人。在三司案牘繁委吏久難解者。謂一言判之。衆皆釋然。

冬十二月。初詔禮部糊名考校舉人。

考試糊名始此。

戊申。大中祥符元年。春正月。有天書見于承天門。大赦。改元。

帝自聞王欽若言。深以澶州之盟爲辱。常快快不樂。欽若度帝厭兵。因謬進曰。陛下以兵取幽薊。乃可滌此恥。帝曰。河朔生靈。始免兵革。朕安忍爲此。可思其次。欽若曰。惟封禪可以鎮服四海。誇示外國。然自古封禪。當得天瑞。希世絕倫之事。乃可爾。旣而又曰。天瑞安可必得。前代蓋有以人力爲之者。惟人主深信而崇奉之。以明示天下。則與天瑞無異也。陛下謂河圖洛書果有邪。聖人以神道設教耳。帝沉思久之。曰。王旦得無不可乎。欽若曰。臣喻以聖意。宜無不可。欽若乃乘間爲旦言。旦黽

天書之謀倡於欽若而決於杜鎬。史謂其不測意旨而擾應是殆不然。如果卒

臆而對何以神道設教之言與欽若同一口吻而他日承天門拜受之後何爲益以經義附和哉蓋鑄亦不過與丁謂陳堯叟輩同爲諂附欽若之人欽若特欲借老儒虛名以證其言有據耳若云非授意迎合其將誰欺

欽若倡爲邪說以蠱惑真宗自欺欺世舉國若狂貽譏史策實爲千古罪人然此固奸邪無忌憚之尤不足深責獨怪王旦素以剛正自負真宗定謀之初方慮旦或以爲不可何以欽若乘間一言畧無異議且率衆稱賀力請封禪甚至

勉從之帝尙猶豫會幸秘閣驟問直學士杜鎬曰古所謂河出圖洛出書果何事邪鎬老儒不測上旨漫應之曰此聖人以神道設教爾帝意遂決乃召旦飲歡甚賜拏共之既歸發封則皆美珠也正月乙丑帝謂羣臣曰旦悟帝旨自是不敢有異議去冬十一月庚寅夜將半朕方就寢忽室中光曜見神人星冠絳衣告曰來月宜于正殿建黃籙道場一月當降天書大中祥符三篇朕竦然起對已復無見自十二月朔卽齋戒于朝元殿建道場以佇神貺適皇城司奏有黃帛曳左承天門南鴟尾上令中使視之帛長二丈許緘物如書卷纏以青縷封處隱隱有字蓋神人所謂天降之書也旦等皆再拜稱賀帝卽步至承天門瞻望

身充大禮使於諂諛逢迎之術無所不至則其過更不止於不能諫沮而已至其後遣令披緇爲斂以表不諫天書之失尤爲欲蓋彌彰蓋其中本無定見利害之心一動遂入於岐途而無所底止或者以爲美珠固結則殊不然卽如所云真宗詭爲樽酒頒賜旦携歸發封其事甚秘誰復爲之漏洩此殆史家傳會以文致其過不知且之過失自在又不繫賜珠之有無耳

再拜遣二內史升屋奉之下旦跪進帝再拜受之親置

輿中導至道場授陳堯叟啓封帛上有文曰趙受命興于宋付于裔居其器守

于正世七帝跪受復命堯叟讀之其書黃字三幅詞類

洪範道德經始言帝能以至孝至道紹世次諭以清淨

簡儉終述世祚延永之意讀訖帝復跪奉韞以所緘帛

盛以金匱羣臣入賀于崇政殿賜宴帝與輔臣皆蔬食

遣官告天地宗廟社稷大赦改元羣臣加恩賜京師酺

五日改左承天門爲承天祥符置天書儀衛扶侍使有

大禮卽命宰執近臣兼之欽若之計旣行陳堯叟陳彭年于謂杜鎬益以經義附和

而天下爭言祥瑞矣獨龍圖閣待制孫奭言于帝曰以臣愚所聞天何言哉豈有書也帝默然陳彭年字永

年撫州南城人

三月詔議封禪。夏四月以王旦兼封禪大禮使。

宰相王旦等率文武百官諸軍將校官吏蕃夷僧道耆

壽二萬四千三百餘人凡五上表請帝封禪。帝意未決。

召丁謂問以經費。謂對曰大計有餘。議乃定。命翰林太

常詳定儀注。以王旦爲大禮使。王欽若等爲經度制置

使。丁謂等計度糧草。既而契丹遣使請歲幣外別假錢幣。旦曰東封近彼以此探朝廷意

耳。帝曰何以答之。旦曰正當以微物輕之。乃于歲給三十萬內各借三萬。仍諭次年額內除之。契丹得之大慙。

及明年復下有司以契丹所借金幣事屬微末仍依常數與之。

六月得天書于泰山羣臣上帝尊號。

王欽若至乾封。唐縣宋改奉符。今日泰安爲泰安府治。上言泰山醴泉出。

錫山。泰山下之小山。蒼龍見。未幾木工董祚于醴泉亭北見黃

帛曳林木上有字不能識言于皇城使王居正居正見其上有御名馳告欽若欽若奉至社首跪授中使馳捧詣闕帝御崇政殿趣召羣臣曰朕五月丙子夜復夢向者神人言來月上旬當賜天書于泰山卽密諭欽若等凡有祥異卽上聞今果與夢協上天眷祐惟懼不稱王旦等再拜稱賀乃迎奉含芳園之正殿帝齋戒備法駕詣殿拜受之授陳堯叟啟封其文曰汝崇孝奉育民廣福錫爾嘉瑞黎庶咸知秘守斯言善解吾意國祚延永壽歷遐歲讀訖復奉以升殿于是羣臣表上尊號曰崇文廣武儀天尊道寶應章感聖明仁孝皇帝未幾欽若獻芝草八千本趙安仁獻五色金王丹紫芝八千七百餘本諸州上芝草嘉禾瑞木三脊茅等不可稱紀九月令有司勿奏人辟案以天書告于太廟

作玉清昭應宮

奉天書也。知制誥王曾、都虞候張昞

字元弼，開封人。後改名耆。

皆上

疏諫，不聽。

帝先召丁謂問之，謂曰：「陛下富有天下，建一

王旦密疏諫，帝以謂所對告，旦不敢復言。

冬十月，帝封泰山，禪社首，大赦。

帝發京師，以玉輅載天書先道。凡十七日，至泰山。

王欽若等

獻芝草三萬八千餘本。

齋戒三日，登山，道經險峻，降輦步進，鹵簿

儀衛，列于山下。享昊天上帝于圓臺，陳天書于左。以太

祖太宗配，命羣臣享五方帝及諸神于山下封祀壇。帝

飲福酒，攝中書令王旦跪稱曰：「天賜皇帝太乙神策，周

而復始。永綏兆人。」三獻畢，封金玉匱。王旦奉玉匱置于

石礮

音感。石篋也。封禪所用。

攝太尉馮拯奉金匱以降。將作監領

徒封礮。帝登園臺閱視訖。還御幄。宰相率從官稱賀。明

旦禪祭皇地祇于社首山。如封祀儀。禮畢。御壽昌殿。受

羣臣朝賀。大赦天下。文武並進秩。令開封府及所過州

軍。考送舉人。賜天下酺三日。改乾封縣爲奉符縣。大宴

穆清殿。又宴泰山父老于殿門。

十一月。帝過曲阜。謁孔子廟。加謚元聖文宣王。

帝幸曲阜縣。謁孔子廟。行酌獻禮。特展拜。近臣分奠七

十二弟子。遂幸孔林。加謚孔子曰元聖文宣王。祭以太

牢。

又追謚齊太公望爲昭烈武成王。立廟青州。周文公旦爲文憲王。立廟曲阜。仍追封叔梁紇齊國公。顏氏

魯國夫人。伯魚母。開官氏。鄭國夫人。尋又復追封孔子弟子顏回爲充國公。閔損以下九人爲郡公。曾參以下

六十二人爲侯。命從臣爲贊。
又封左邱明等十九人爲伯。

還宮。

帝還。羣臣爭頌功德。惟進士孫籍獻書言。封禪。帝王之

盛事。願陛下謹于盈成。不可遂自滿假。知制誥周起

字萬

卿。淄州鄒平人。亦上言。天下之勢。常患恬于安逸。而忽于兢畏。

願毋以告成爲恃。帝皆納之。

己酉二年春三月丙辰朔日食。

夏四月昇州大水。陝西旱。蝗。

三司使丁謂上封禪祥瑞圖。

謂上封禪祥瑞圖。示百官于朝堂。自封禪之後。士大夫
爭奏符瑞。獻贊頌。崔立獨言。水發徐兗。旱連江淮。無爲

宋軍名。元爲州。今屬廬州府。烈風金陵大火。是天所以戒驕矜也。而

中外多上雲霧草木之瑞。此何足爲治道言哉。不省。

五月。代州地震。

冬。十二月。罷制舉諸科。

上封事者。言兩漢賢良多因災變。以詢訪闕政。今國家受瑞建封。不當復設。遂詔罷制舉。

庚戌三年春二月。交州將李公蘊弑其主黎至忠。遣使入貢。

詔封公蘊爲交趾郡王。

黎氏據安南。亦三傳而滅。

初。黎桓死。中子龍鉞立。未幾。龍鉞弟龍廷殺龍鉞而代之。踰年入貢。詔封交趾郡王。賜名至忠。至忠苛虐國人。不附。大校李公蘊爲至忠親任。乃逐至忠出城而殺之。

交趾弒逆相尋宋不能聲
罪致討已失春秋共誅亂
賊之義且真宗既知效尤
可惡乃以爲變俗何足貴
又從而封爵賜予直是賞
其篡竊爲天下共主者不
應若此視契丹王之伐高
麗而誅康肇不免相形見
絀矣

其二弟明提明昶爭立公蘊又殺之自稱留後遣使奉
貢帝曰黎桓不義而得之公蘊又效尤焉甚可惡也然
蠻俗何足責哉其用桓故事授以官爵賜之器幣
贖呂端第賜其家

端諸子多不同處舊第已質于人帝聞之出內庫錢贖
還之令其聚居端長子蕃言負人息錢甚多帝別賜內
庫金帛俾償之蕃弟荀與西京差遣仍令內侍省置簿
爲掌餽課給其家詔樞密院察其妄費王旦曰陛下推
恩舊臣始終委曲至矣

夏五月高麗康肇弒其主誦

建五世孫

立誦兄詢而相之

契丹主謂羣臣曰康肇弒君誦而立詢因而相之大逆

也。宜發兵問其罪。羣臣皆曰可。蕭廸里字尼嚕袞塔魯四世孫曰。

國家連歲征討。士卒罷敝。况陛下在諒陰。時太后蕭氏卒。年穀

不登。創痍未復。島夷小國。城壘完固。勝不爲武。萬一失

利。恐爲後悔。不如遣一介之使。往問其故。彼若伏罪。則

已。不然。俟服除歲豐。舉兵未晚。不聽。已而契丹伐高麗。

擒康肇。誅之王詢奔平州。今朝鮮國平安道有平州。

秋旱蝗。

九月。內侍江守恩有罪誅。

守恩擅取民田麥穗。杖殺軍士。獄成抵法。太常博士俞

獻卿字諫臣歙人。抗章論救。坐貶。帝嘗謂輔臣曰。前代內臣。

恃恩恣橫。蠹政害物。朕深以爲戒。故于班秩賜予。不使

過分有罪未嘗矜貸。王旦等曰。前代事跡昭然。足爲龜鑑。陛下言及此。社稷之福也。

冬十二月。夏州饑。

西夏管內饑。趙德明表求粟百萬。朝議不知所出。或言德明方納款而敢渝誓。請降詔責之。王旦曰。第詔德明云。已敕有司具粟百萬于京師。其遣衆來取。德明得詔。慚曰。朝廷有人。遂止。

辛亥四年春二月。帝祭后土于汾陰。大赦。

先是羣臣上表請祀汾陰。帝從之。以王旦兼大禮使。王欽若爲禮儀使。陳堯叟爲經度使。儀同封禪。正月奉天書發京師。是月出潼關。渡渭河。遣近臣祀西嶽。遂至寶。

鼎縣

本漢汾陰。唐改寶鼎。宋曰滎河。今縣屬蒲州府。

奉祇宮。祀后土地祇。大赦

天下。文武進秩。建寶鼎縣為慶成軍。賜天下酺三日。大

宴羣臣于穆清殿而還。

初。將祀汾陰。會歲旱。龍圖閣待制孫奭上疏。陳不可者十有日。

陛下纔畢東封。又議西幸。非先王五年卜征重謹之意。又曰。夫民神之主也。是以聖王先成民而後致力於神。今國家水旱作沴。饑饉居多。乃欲勞民事神。其饗之乎。又曰。今之姦臣。以先帝嘗議封禪。故贊陛下以繼承先志。先帝欲北平幽朔。西取繼遷。則未嘗獻一謀。畫一策。而乃卑辭厚幣。求和于契丹。蹙國糜爵。姑息于保吉。謂主辱臣死。為空言以誣下。罔上為己任。是陛下以祖宗艱難之業。為姦臣僥倖之資。此臣所以長歎痛惜也。時羣臣爭奏祥瑞。願復上言。今野驢山鹿。并形奏簡。秋旱冬雷。率皆稱賀。將以欺上天。則上天不可欺。將以愚下民。則下民不可愚。將以惑後世。則後世不可惑。夫國將興。聽于民。將亡。聽于神。陛下何為而不思也。帝嘉其忠。而不

能從。

三月。召陝州隱士魏野。

字仲先。蜀人。

不至。

野不求聞達。居陝之東郊。爲詩清苦。帝自汾陰還。次陝州。遣陝令王希召之。不起。命工圖其所居觀之。野所居架草堂。

有水竹之勝。

帝過西京。遂謁諸陵。夏四月。還宮。

太子太師呂蒙正卒。諡文穆。

六月。太白晝見。八月。復晝見。

江淮大水。

秋七月。畿內蝗。鎮。眉。昌等州。昌州。唐置。今重慶府榮昌縣是。餘注見前。地震。

八月。河決通利軍。宋置。後改安利。復改平川。今衛輝府濬縣是。

冬十月。以向敏中等爲五嶽奉冊使。

加上五嶽帝號。帝御朝元殿發冊。命敏中等充使。尋作

會靈觀以奉祀。

壬子五年夏四月。復以向敏中同平章事。

時舊相出鎮。不以吏事爲意。惟敏中盡心民事。帝由是有復用之意。及東封西祀。皆以敏中留守。厚重鎮靜。人情帖然。遂復拜相。

五月。賜杭州隱士林逋

字君復。杭州錢塘人。

粟帛。

逋方學善詩。不趨榮利。家貧。衣食不足。晏如也。結廬杭

州西湖之孤山。

在裏外二湖之間。一嶼聳立。爲湖山絕勝處。

帝聞其名。賜以

粟帛。

秋八月丙申朔。日食。

九月。以王欽若。陳堯叟爲樞密使。丁謂參知政事。馬知節

爲樞密副使。

時天下乂安。王欽若丁謂導帝以封祀。眷遇日隆。欽若自以深達道教。多所建明。而謂附會之。與陳彭年宦者

劉承珪

楚州山陽人。後改名承規。

等。蒐講墜典。大修宮觀。以林特

字士

奇。南劍州順昌人。

有心計。使爲三司使。以幹財利。五人交通。蹤

跡詭秘。時號五鬼。主旦欲諫。則業已同之。欲去。則上遇之厚。追思李沆之先識。嘆曰。李文靖真聖人也。欽若狀貌短小。項有附疣。時目爲癭相。性傾巧。敢爲矯誕。然智數過人。每朝廷有興作。能委曲遷就。以中帝意。知節以衆方競言祥瑞。深不然之。每言于帝曰。天下雖安。不可忘戰去兵也。

天書已荒誕不經乃復因妄男子之言撰爲杳渺無稽之名系以自誣其祖誕益甚矣且從而尊其稱避其諱躋其位於聖祖之上趙氏宗廟有知其享之乎

冬十月帝言聖祖降于延恩殿。

初汀州人王捷言于南康遇道人姓趙氏授以丹術及小鑲神劍蓋司命真君也是爲聖祖劉承珪以聞賜捷名中正得對龍圖閣既東封加聖祖號爲司命天尊授中正左武衛將軍至是帝語輔臣曰朕夢神人傳玉皇之命云先命汝祖趙元朗授汝天書今令再見汝翌日復夢神人傳聖祖言吾座西斜設六位以候是日卽于延恩殿設道場五鼓一籌先聞異香頃之黃光滿殿聖祖至朕再拜殿下俄有六人至揖聖祖皆就坐聖祖命朕前曰吾人皇九人中一人也是趙之始祖再降乃軒轅皇帝後唐時復降生趙氏之族今已百年皇帝善爲

撫育蒼生無怠前志。卽離座乘雲而去。王旦等皆再拜。

稱賀詔告天下。肆赦加恩。

命丁謂等修崇奉儀注。閏月上聖祖尊號曰聖祖上靈高

道九天司命保生天尊大帝聖母懿號曰元天大聖后

遂加太廟六室尊號羣臣上帝尊號曰崇文廣武威天尊道應真佑德上聖欽明仁孝皇帝尋作景靈宮奉聖祖以孔子謚犯聖祖諱改元聖曰至聖

十一月以王旦兼玉清昭應宮使

詔建康軍鑄玉皇聖祖太祖太宗尊像以丁謂爲奉迎使奉安于玉清昭應宮帝率百官郊謁又詔刻天書于宮以旦爲刻玉使王欽若與謂副之。

十二月立德妃劉氏爲皇后。

后父通爲虎捷都指揮使從征太原道卒后在襁褓而孤鞠于外氏善播鼗蜀人龔美者以鍛銀爲業攜之至

京師年十五入襄邸帝卽位以爲美人

欲封貴妃李沆不可事具前

未幾爲修儀進位德妃專寵後宮郭后崩帝欲立之翰

林學士李廸

字復古幽州人

言妃起于微寒不可以母天下參

知政事趙安仁亦言不如沈才人出于相門帝不從

他

與王欽若從容論方今大臣誰爲長者欽若欲排安仁

乃譽之曰無若趙安仁安仁昔爲沈倫所知常欲報之

帝默然未

幾安仁罷帝欲得楊億草制使丁謂諭旨億難之謂曰

勉爲此不憂不富貴億曰如此富貴亦非所願也乃命

他學士焉后旣立以無宗族更以美爲兄改其姓爲劉

聞李廸之諫大恨之

后性敏警曉書史聞朝廷事能記其本末帝退朝閣天下封奏多至

中夜后皆預聞宮闈事有問輒援引故實以對帝深重之由是漸干外政

癸丑

六年春正月禁內臣出使干預公事

凡有干預州縣公事。所在官吏不以聞。並罪之。

秋七月。除農器稅。

知濱州

後周置。今屬山東武定府。

呂夷簡。

字坦夫。蒙正兄子。

請免稅河北農

器。帝曰。務穡勸農。古之道也。豈獨河北哉。詔諸路並除之。

冬十二月戊午朔日食。

獻天書于朝元殿。

先是。帝享玉皇于朝元殿。

判亳州丁謂獻芝草三萬七千本。

遂詔扶侍

使趙安仁等奉獻天書。告玉清昭應宮及太廟。

甲寅

七年春正月。帝如亳州。謁老子于太清宮。

先是。詔親謁太清宮。加號太上老君混元上德皇帝。孫

明皇崇祀老聃。溯源仙裔。
荒經黷禮之失。固不待言。
至趙之於李。尤風馬牛不
相及。無端而追尊帝號。其
義何居。且復升改軍州。賜
酺肆赦。不自覺其效蠶之
可笑。真宗之惑亦甚矣。

奭上言。陛下事事慕效唐明皇。豈以明皇爲令德之主。
邪。帝曰。東封祀汾。謁陵寢。享老子。非始于明皇。且開元
禮。今世所循用。不可以天寶之亂而非之。作解疑論以
示羣臣。及是。奉天書發京師。遂朝謁太清宮。丁謂獻白
鹿一芝草
九萬五千本。曲赦亳州。及車駕所經流以下罪。升亳州爲集
慶軍。賜酺三日。

以應天府爲南京。二月。還宮。

國初因五代之舊。以大梁爲東京。開封府。洛陽爲西京。
河南府。後以太祖舊藩。歸德軍在宋州。改宋州爲應天
府。至是。建爲南京。作鴻慶宮。以奉太祖太宗聖像。

夏。四月。沙州入貢。

先是曹宗壽殺其從父節度使延祿而代之。至是死其子賢順遣人入貢。詔授歸義節度使。沙州自宗壽以來通使契丹。

六月王欽若陳堯叟馬知節免。

知節素惡欽若之爲人。議論未嘗少屈。欽若每奏事必懷數奏。但出一二。匿其餘。退則以己意稱上旨行之。知節嘗于帝前顧欽若曰。懷中奏何不盡出之。欽若不悅。

會瀘州

梁置。今隸四川。

都巡檢王懷信等上平蠻功。欽若久不

決。旣而擅超擢之。知節因面詆其短。爭于帝前。帝召王旦質之。旦至。欽若猶譁不已。知節流涕曰。願與欽若同下御史府。旦叱欽若使退。帝大怒。命付獄。旦從容曰。欽若等當黜。未知坐以何罪。帝曰。忿爭無禮。旦曰。陛下奄

羣臣各按私意主殿忿爭
無禮實甚直斥其罪而明
示之罰使天下曉然知執
法之不撓斯為政體即傳
播外國亦當益欽朝廷之
尊而凜紀綱之肅更無庸
諱飾也王旦曲為之解豈
于欽若有所顧忌而調停
袒護之耶

有天下使大臣坐忿爭無禮之罪或聞外國無以威遠
願至中書召欽若等宣示陛下含容之意且戒約之俟
少間罷未晚也帝曰非卿言朕固難忍月餘始罷欽若
知節併及堯叟

司空張齊賢卒

諡文定

以寇準為樞密使

王旦薦之也

契丹伐高麗大敗而還

初契丹以鴨綠江

注見前

地予高麗高麗築六城

口與鐵通龍龜

郭六

及王詢敗請降于契丹契丹責令親朝詢以疾辭

契丹怒連歲遣耶律資忠

字沃衍系出仲父房

往取地不從乃遣

蕭迪里討之。高麗與女真設奇邀擊。契丹大敗而還。已

契丹耶律世良等大敗高麗于郭州。斬首數萬。獲其輜重而還。耶律世良小字幹六院部人。

冬十月高麗來貢。

自高麗王誦立遣使入朝。爲契丹所阻。不通中國者累年。至是詢復遣其工部侍郎尹證古入貢。詔登州置館于海次以待之。

十一月玉清昭應宮成。

初議營宮料功須十五年。修宮使丁謂令以夜繼晝。每繪一壁給二燭。故七年而成。凡二千六百一十楹。制度宏麗。屋宇少不中程式。雖金碧已具。劉承珪必令毀而更造。有司莫敢較其費。未幾帝親謁宮。奉刻玉天書。安

于寶符閣。以御容立侍于側。

十二月癸丑朔。司天監奏日食不應。

羣臣表賀。

戶部獻天下民數。

戶九百五萬五千七百二十九口。二千一百九十七萬六千九百六十五。

乙卯八年春二月。淮浙饑。

加楚王元佐天策上將軍。賜劍履上殿。詔書不名。

夏四月。寇準罷。

準以三司使林特附會邪險。惡之。每事阻抑。帝方寵特。聞之不悅。謂王旦曰。準剛忿如昔。旦曰。準好人懷惠。又

欲人畏威。皆大臣所當避。而準乃以爲已任。此其所短也。非至仁之主。孰能容之。準竟以是罷。初。準數短旦于帝。謂旦曰。卿雖稱其美。彼專談卿惡。旦曰。理固當然。臣在相位久。政事缺失必多。準對陛下無隱。益見其忠直。此臣所以重準也。帝由是益賢旦。中書有事。送樞密院。違詔格。準以上聞。旦被責拜謝。堂吏欣然呈旦。旦令送還樞密。而巳。準大慙謝。及罷。準托人語旦。求爲使相。旦驚曰。將相之任。豈可求耶。吾不受私請也。準深憾之。巳而除準武勝軍節度使。同平章事。判河南府。準入見。謝曰。非陛下知臣。安能至此。帝具道旦所以薦者。準愧嘆以爲不可及。

朝元殿災。

榮王元儼

太宗第八子。

宮火。延及殿閣內庫。有司劾遺火事。

當死者衆。王旦曰。陛下始以罪已詔天下。今乃過爲殺戮。且火雖有迹。安知非天譴也。帝欣然納之。減死幾百

人。

六月己酉朔日食。

秋九月吐蕃唃廝囉。

舊作唃廝囉今改正。

請伐夏州不許。

唃廝囉吐蕃贊普之裔居宗噶爾城。

在今西寧府西寧縣東宋于此。

置龍支縣後廢舊作宗哥今改正。

以宗噶爾僧李立遵為論逋。論逋者。

國相也。立遵貪而喜殺國人不附。會與涇原鈐轄曹瑋

戰于三都谷。

在今鞏昌府伏羌縣西。

而敗。復襲西涼府亦敗。眾益

怨之。唃廝囉遂與立遵不協。徙居邈川。

城名宋于此置樂州今為

西寧府碾伯縣治。

而立遵自居宗噶爾。屢表請贊普之號。朝議

以贊普乃戎王也。立遵居唃廝囉下。不宜妄授。止命

為保順軍節度使。唃廝囉與西夏接壤。每以兵抗趙。

德明希朝廷賜予。因是聚衆數十萬。請討平夏以自效。帝以戎人多詐。或生他變。命周文質監涇原軍。曹瑋知秦州。以備之。

樞密直學士知陳州張詠卒。

諡忠定。

詠儻有大志。尙氣節。嘗曰。事君者。廉不言貧。勤不言苦。忠不言已效。公不言已能。斯可以事君矣。故所至以政績聞。方疾。上疏言不當造宮觀。竭天下之財。傷生民之命。此皆賊臣丁謂。誑惑陛下。乞斬謂首。置國門以謝天下。然後斬詠頭。置丁氏之門。以謝謂。章三上。出知陳州。卒。贈左僕射。

賜信州道士張正隨號真靜先生。

初漢張魯子自漢中徙居信州龍虎山

在今江西廣信府貴溪縣西南

相傳漢張道陵修鍊于此

世以鬼道惑眾。正隨其後也。至是召赴闕

賜號王欽若為奏立授錄院及上清觀

今日太上清宮在龍虎山上

蠲其田租。自是凡嗣世者皆賜號。

丙辰

九年春正月以張旻為樞密副使。

先是旻為馬軍副都指揮使。被旨選兵。下令太峻。兵懼。謀欲為變。上召二府議之。王旦曰。若罪旻則自今帥臣何以御眾。捕謀者則震驚都邑。今但擢旻使解兵柄。反側者當自安矣。帝從其言。兵果無他。帝語左右曰。王旦善處大事。真宰相也。

夏六月。畿內蝗。

帝遣人出郊得死蝗以獻。因以示大臣。明日執政遂袖死蝗進曰。蝗盡死矣。請示于朝。率百官賀。王旦曰。蝗出爲災。災弭幸也。又何賀。固稱不可。後數日。二府方奏事。飛蝗忽蔽天。帝顧旦曰。使百官方賀而蝗如此。豈不爲天下笑邪。

秋八月。知秦州曹瑋敗吐蕃于伏羌砦。

本唐復羌縣。宋爲砦。元復置縣。今屬

鞏昌府。

瑋在秦州。屢請益兵。帝不悅。問李迪邊將誰可代瑋。迪曰。瑋知且勒斯賚欲窺關中。故請益兵爲備。非怯也。乃發關內羨兵赴瑋。且勒斯賚與宗噶爾族尋連結入寇。使謀者聲言。以某日下秦州會食。以激怒瑋。瑋勒兵不

勤坐俟其至。大破之。夷其族帳。斬首千餘級。自是置勒斯資勢燧退保磧中不出。

九月。丁謂陳堯叟免。以陳彭年。王曾。張知白。字用晦。涪州清池人。參

知政事。任中正。字慶之。曹州濟陰人。為樞密副使。

彭年初入翰林為學士。嘗謁王旦。旦辭不見。彭年性奸諂。時號九

尾狐。翌日。向敏中以彭年所上文字示旦。旦瞋目不覽。曰。

是不過興建符瑞圖進取耳。已而彭年附王欽若。丁謂。

朝廷典禮無不參預。詳練儀制。前世未有者。必推引依

據以成就之。帝甚寵遇。及升內閣。而李宗諤。字昌武。助之子。卒。

楊億罷。彭年獨任。事務叢委。形神皆耗。舉止失措。至家

人有不記其名者。明年二月卒。

以旱蝗罷諸營建。考宋史李迪傳。迪請發內藏庫。與諫士

僖元年。與傳不合。今依宋元通鑑併之。

帝以頻歲旱蝗游饑。三司調用不給。召李迪問所以濟之之策。迪對曰。祖宗置內藏庫欲攻取西北。且備凶年。今邊幸無費。儻以佐國用。則庶幾天下財利寬。而民不加賦矣。帝曰。朕欲用李士衡代馬元方。字景山。濮州甄城人。爲三司使。俟其至。當出金帛借之。迪曰。天子于財無內外。何必曰借。迪又言。陛下自視汾亳以來。土木之役。不可勝紀。今旱蝗之警。乃天所以仁愛陛下也。願罷諸不急之費。帝嘉納之。大發內庫金繒賜三司。詔禁樂。罷秋宴。督諸路捕蝗。遂罷諸營造。禁天下貢瑞物。詔民能振貧者。

宮之未幾得雨。青州飛蝗多赴海死。

丁巳。天禧元年春三月。以王曾兼會靈觀使。曾辭不受。

王欽若方挾符瑞以固寵位。陰排異已者。會有詔以曾爲會靈觀使。曾以推欽若。帝不悅。謂曾曰。大臣宜傳會國事。何遽自異邪。曾頓首曰。君從諫謂明。臣盡忠謂義。陛下不知臣驚病。使待罪宰府。臣知義而已。不知異也。夏五月。以王旦爲太尉侍中。參決軍國重事。旦固辭。許之。旦素羸多疾。連年求解機務。不許。乃拜太尉侍中。五日一赴起居。入中書。遇軍國重事。不限時日。入預參決。旦愈畏避。上疏固辭新命。又託同列奏白。帝重違其意。止加封邑。

秋七月王旦罷。

旦疾甚。引對滋福殿。帝曰。朕方以大事託卿。而卿疾如此。因命皇子出拜。旦惶恐走避。皇子隨而拜之。旦言皇子盛德。必任陛下事。因薦可爲大臣者十餘人。其後不至宰相。惟凌策。字子奇。宣州人。李及。字幼幾。鄭州人。旦復力求避位。帝憫其形瘁。許之。復問曰。卿萬一有不諱。朕以天下付之誰乎。旦謝曰。知臣莫若君。惟明主擇之。固問之。旦舉笏曰。以臣之愚。莫如寇準。帝曰。準性剛褊。更思其次。旦曰。他人臣所不知也。

八月。以王欽若同平章事。

帝久欲相欽若。王旦曰。欽若遭逢陛下。恩禮已隆。且乞

留之樞密。兩府亦均。臣見祖宗朝。未嘗有南人當國者。雖古稱立賢無方。然須賢士乃可。臣爲宰相。不敢阻抑人。此亦公議也。乃止。及旦罷。欽若遂相。欽若語人曰。爲王子明。遲我十年爲宰相。

九月。王曾罷。

曾旣不受會靈觀使。上意不懌。王欽若數譖之。會曾市賀皇后家舊第。其家未徙。而曾令人舁土置其門。賀氏訴于朝。遂罷曾政事。王旦在告聞之。曰。王君介然。他日德望勲業甚大。顧予不得見爾。或請其故。曰。王君昨讓觀使。雖拂上旨。而詞直氣和。了無所習。其始被進用。已能若是。我自任政事二十年。每進對稍忤。卽蹶躅不能。

自容。以是知其偉度矣。

太尉王清昭應宮使王旦卒。

諡文正。

旦疾篤。帝臨問。親調藥。并著預粥。賜之。遣內侍問者。日至三四。及卒。痛悼不已。旦遺令。削髮披緇。以斂。蓋悔其不諫天書之失也。諸子欲奉遺令。楊億以爲不可。乃止。

旦爲首相。會天下無事。慎守祖宗法度。無所變改。帝久益信。言無不從。凡大臣有所奏請。必問旦。王旦以爲何如。旦與人寡言笑。及奏事。羣臣異同。旦徐一言以定。居家賓客滿堂。察可與言。及素知名者。數日後。召與語。詢訪四方利病。或使疏其言而獻之。以觀其所長。密籍其名薦之。人未嘗知。諫議大夫張師德兩詣旦門。不得見。意爲人所毀。以告向敏中。敏中從容爲旦言之。旦曰。且處安得有毀人者。及議知制誥。旦曰。可惜張師德。敏中問之。旦曰。師德名家子。有士行。不意兩及吾門。狀元及第。榮進素定。當靜以待之。若復奔競。使無階而入者。當如何也。薛奎發運江淮。辭旦。旦無他語。但云東南民力竭矣。奎退。嘆曰。真宰相之言也。內臣劉承珪以忠謹得

幸。既病。求節度使。帝謂旦曰。承珪待此以瞑目。旦執不可。曰。他日求爲樞密使。此其階也。遂止。自是內臣不過留後。旦任事久。有謗之者。輒引咎不辨。至人有過失。雖人主盛怒。可辨者辨之。必得而後已。張師德字尙賢。

襄邑人。薛奎字宿藝。絳州人。

戊午二年夏五月。京師民訛言妖至。

先是。西京訛言。有物如席帽。夜飛入人家。又變爲大狼狀。能傷人。民恐。每夕重閉深處。操兵自衛。至是。京師民訛言帽妖至。達旦叫譟。詔立賞格。募告爲妖者。知應天府王曾。令夜開里門。有倡言者。卽捕之。妖亦不興。

契丹以張儉

宛平人。

爲政事令。

儉端慤。不事外飾。爲雲州幕官。契丹主獵雲中。故事。長吏當有所獻。節度使進曰。臣境無他產。惟幕僚張儉一

代之寶願以爲獻。因召見容止樸野。訪及世務。占奏三十餘事。由是顧遇特異。

六月。彗星出北斗。

秋八月。立子受益。帝第六子。即仁宗。爲皇太子。更名禎。赦。

受益司寢李氏。杭州人。所生。皇后養以爲子。與楊淑妃。益州人。

同撫育之。至是。立爲太子。帝作元良箴賜之。

冬十月。張知白罷。

知白與王欽若論議多相失。因稱疾辭位。遂罷。知天雄軍。

己未三年春二月戊午朔日食。

得天書于乾佑山。乾佑縣之山也。乾佑。五代漢縣。故城在今商州鎮南縣。夏六月。王

準于欽若判若冰炭何獨于乾佑天書之事效其所為蓋一以圖已之進用一以喜朱能素相比附雖障其術而不顧可見門戶之為害甚於陷阱一溺其中即欲自拔亦不可得矣

欽若有罪免以寇準同平章事

永興軍巡檢朱能挾內侍都知周懷政

并州人

詐為天書

降于乾佑山時寇準方判永興素喜能附已遂上其書

詔迎入禁中中外皆識其詐帝獨信之諭德魯宗道

字貫

之亳州人

言姦臣妄誕以惑聖聽知河陽孫奭言乞斬朱

能以謝天下皆不聽準由是得召用矣時欽若恩禮衰

商州捕得道士譙文易蓄禁書能以術使六丁六甲神

欽若坐與之出入遂免以準代相

準之始召也門生有勸準者曰公若至河

陽稱疾堅求外補此為上策倘入見即發乾佑天書之詐斯為次也最下則再入中書大喪平生矣準不悻

以丁謂參知政事

謂因準稱譽得致通顯雖同列而事之甚謹嘗會食中

書。美汚準鬚。謂徐起拂之。準笑曰。參政國之大臣。乃爲長官拂鬚邪。謂大慙恨。遂成讐隙。

河決滑州。

泛澶濮鄆。濟徐境。

秋。七月。羣臣上帝尊號。大赦。

以天書再見也。

八月。大會道釋于天安殿。

凡萬三千八百六人。

京東河北水。

彰德留後馬知節卒。

諡正惠。

知節慷慨。以方畧自任。所與善。必一時豪傑。性剛直敢。

言不肯少有卑屈。天下稱其直。嘗與王欽若爭論上前。退見王旦。辭色猶怒甚。曰。知節幾欲以笏擊死之。但恐驚動君相爾。至是卒。

冬十一月。帝謁景靈宮。享太廟。祀天地于園丘。大赦。

自是每歲三行禮。宮廟園丘必同舉。永爲定制。向敏中寇準並加僕射。麻下。帝以卽位。未嘗除左僕射。意敏中應喜甚。賀客必多。使人密覘之。云敏中方謝客。門闌悄然。矚其庖中。亦寂無一人。帝大笑曰。向敏中大耐官職。

御批歷代通鑑輯覽卷之七十四

宋

眞宗皇帝

庚申天禧四年春正月。以曹瑋簽書樞密院事。

瑋沉勇有謀。馭軍嚴明。自少捍禦西陲。熟知羌情。以奇計用兵。所向克捷。善撫士卒。綏懷邊人。羌戎畏愛之。

二月。帝有疾。不視朝。

三月。左僕射同平章事兼景靈宮使向敏中卒。諡文簡。

敏中端厚沉毅。識大體。時以重德目之。

夏四月。有兩月並見西南。

六月。寇準罷。

寇準密贊大計自當慎之又慎東宮監國事出非常止宜詔自朝廷豈可由羣臣陳請準因周懷政之告而始有此議又預令人草表已屬害成况復被酒漏言尤爲粗疎無術其遭讒去位不得謂非自取也至真宗以家國大事謀及宦官幾至釀成禍亂亦豈得辭始事不臧之咎哉

時帝得風疾事多決于皇后寇準李迪以爲憂一日準請間曰皇太子人所屬望願陛下思宗廟之重傳以神器擇方正大臣羽翼之丁謂錢惟演佞人也不可以輔少主帝然之準密令楊億草表請太子監國且欲援億輔政已而準被酒漏言謂聞之曰卽日上體平朝廷何以處此李迪曰太子監國古制也何不可之有謂因力譖準請罷其政事帝不記與準有成言竟罷爲太子太傅封萊國公

秋七月以李迪丁謂同平章事馮拯爲樞密使

迪時兼太子賓客制下固辭帝不允會皇太子見帝拜曰陛下用賓客爲相敢謝帝顧謂迪曰尙可辭邪迪乃

受命

貶寇準知相州。

帝始得疾。自疑不起。嘗臥宦者周懷政股。與之謀。欲命太子監國。懷政東宮官也。出告寇準。已而事泄。準罷。丁謂等因疎斥之。使不得親近。懷政憂懼不自安。陰謀奉帝爲太上皇。而傳位太子。罷皇后預政。殺丁謂而復相準。客省使楊崇勲。字寶臣。薊州人。等以其謀告謂。謂卽微服。夜乘犢車。挾崇勲詣曹利用議。明日以聞。詔命曹瑋訊之。懷政具服。帝怒甚。欲責及太子。羣臣莫敢言。李迪從容奏曰。陛下有幾子。乃欲如是。帝悟。乃止誅懷政。謂與皇后謀。并發朱能天書妖妄事。遂貶準爲太常卿。知相州。

詔罷翰林學士盛度

字公量餘杭人

樞密直學士王曙

字晦叔河南人

準之

朝士與準親厚者皆斥之

準之貶也帝命與小州謂輒云與遠小州延言

向者聖旨無遠字二人忿爭蓋始此

八月貶寇準為道州司馬

時遣使捕朱能。能擁眾叛。未幾。眾潰自殺。準坐是再貶道州。既至。晨具朝服如常時。對賓客言笑。若初無廊廟之貴者。自罷相三紬。皆非帝意。歲餘。帝問左右曰。吾目中何久不見寇準。羣臣畏謂威莫敢對。

九月帝疾瘳。

冬十一月李迪丁謂罷。翌日謂復留視事。罷翰林學士劉

筠

字子儀大名

丁謂擅權用事。至除吏不以聞。廸憤然謂同列曰。廸起布衣至宰相。有以報國死猶不恨。安能附權倖爲自安計邪。會議二府皆進秩兼東宮官。廸以爲不可。謂又欲引林特爲樞副。廸復沮之。謂積怒。旣而謂加門下侍郎兼太子太傅。廸加尙書左丞。仍兼太子少傅。故事。宰相無兼左丞者。及入對長春殿。內出制書置榻前。帝謂輔臣曰。此卿等兼東宮官制也。廸進曰。東宮官屬不當增置。臣不敢受命。丁謂罔上弄權。私林特。錢惟演。而嫉寇準。特子殺人事。寢不治。準無罪遠謫。惟演以皇后姻家。使預朝政。曹利用。馮拯。相爲朋黨。臣願與謂俱罷。付御史臺劾正。帝怒。留制不下。左遷廸知鄆州。謂知河南府。

明日謂入謝。帝詰所爭狀。謂對曰。非臣敢爭。乃廸置臣爾。願復留。遂自出傳口詔。復入中書視事。時劉筠已草廸謂同罷制。旣而謂復留。命草制。筠不奉詔。乃更召學士晏殊。字同叔。撫州臨川人。草之。筠自院出遇殊。殊皇愧側面。不敢與揖。謂旣復位。益擅權專恣。筠曰。奸人用事。安可一日居此。力請補外。遂知廬州。筠初爲楊億所識。後遂與億齊名。時號楊劉。

詔太子參議朝政。

詔自今軍國大事。取旨如故。餘皆委皇太子。同宰相樞密等參議施行。太子固讓。不允。遂開資善堂親政。皇后裁決于內。而丁謂用事。中外以爲憂。王曾謂錢惟演曰。太子幼。非中宮不能立。中宮非倚太子。則人心亦不附。

后若加恩太子。則太子安。太子安。則劉氏安矣。惟演乘間言之。后深納焉。

辛酉五年秋七月甲戌朔日食。

九月吐番貢勒斯賚來降。

冬十一月貶王欽若爲司農卿。分司南京。

欽若判河南有疾。表乞就醫京師。丁謂使人給之曰。上甚思一見君也。欽若信之。卽輿疾至京。謂因言欽若擅去官守。無人臣禮。命御史就第按問。欽若惶恐伏罪。故貶。

壬戌乾興元年春二月羣臣上帝尊號。

帝崩遺詔皇后權處分軍國事。太子禎卽位。是爲仁宗尊皇后

仁宗即位年已十三不爲
幼矣使得公正大臣輔政
則朝廷可望清明母后臨
朝無益于社稷而有損于
國是特僉上之徒計圖依
附抑遏其主曾既稱正色
立朝時倚爲重何不予受
遺時力陳利害沮處分軍
國之詔以圖探本澄源而
僅爭留權字議定垂簾爲
苟安計耶

爲皇太后赦

王曾奉遺詔入殿廬草制命皇后權處分軍國事輔太
子聽政丁謂欲去權字曾曰皇帝冲年太后臨朝斯已
國家否運稱權猶足示後且增減制書有法表則之地
先欲亂之邪謂遂止太子卽位年十三矣尊皇后爲皇
太后淑妃楊氏爲皇太妃兩府議太后臨朝儀曾請如
東漢故事太后與帝五日一御承明殿太后坐帝右垂
簾聽政謂欲擅權不欲同列與聞機政潛結入內押班
雷允恭開封人密請太后降手書云帝朔望見羣臣大事
則太后召對輔臣決之非大事則令允恭傳奏禁中畫
可以下曾曰兩宮異處而柄歸宦官禍端兆矣于是允

迪之貶尚由不密失身迪則無罪而亦被逐莊獻以私怨遽退大臣豈所以昭大公無我之度況以朋黨誣運則更過矣丁謂諸生記事云云不顧清議小人而無忌憚又何責焉

恭恃勢專恣而謂權傾中外衆莫敢抗獨曾正色立朝時倚爲重

夏四月貶寇準爲雷州司戶參軍李迪爲衡州團練副使

真宗臨崩惟言寇準李迪可託丁謂怨準而太后憾迪

嘗諫立已前事具遂誣以朋黨貶之連坐者甚衆曹瑋亦

謫知萊州初議竄逐王曾疑責太重謂熟視曾曰居停主人恐亦未免蓋曾嘗以第舍假準曾遂不

復爭學士呈制草謂改曰當醜徒干紀之際屬先帝違

豫之初罹此震驚遂致沉劇且使人迫迪行或語謂曰

迪若貶死公如士論何謂曰異日諸生記事不過曰天

下惜之而已謂必欲令二人死遣中使齎敕就賜以錦

囊貯劍揭于馬前示將誅戮狀至道州衆皆皇恐不知

所爲準方與郡官宴飲神色自若使人謂之曰朝廷若

賜準死願見勅書中使不得已乃授

六月契丹遣使來弔祭

契丹主聞真宗崩。集蕃漢大臣舉哀。遣耶律陞音舊作僧隱等來弔祭。置真宗御靈。建資福道場。百日而罷。詔諸州軍不得作樂。凡國中犯真宗諱者悉改之。

內侍雷允恭伏誅。丁謂任中正免。

謂爲山陵使。允恭爲都監。判司天監邢中和言于允恭曰。今山陵上百步。法宜子孫。類汝州秦王墳。但恐下有石與水耳。允恭曰。上無他子。若如秦王墳。何不可。中和曰。山陵事重。踏行覆按。動經日月。恐不及七月之期耳。允恭曰。第移就上穴。我走馬入見。太后言之。允恭素貴。橫人不敢違。卽改穿上穴。乃入白。太后曰。此大事。何輕易如此。允恭曰。使先帝宜子孫。何爲不可。太后意不然。

丁謂當仁宗初立。恃有垂簾之事。交通內侍。植黨擅權。殺丁弁髦。朝紀其罪惡。較前更著。幸而莊獻察其奸。明正其誅。復何足惜。馮拯力爲營救。所謂生平嚴正者。安在至云。恐駭天下耳目。尤爲謬戾。謂之罪世所共知。誠能誅之。天下必聞新政而稱快。何駭。

日出與山陵使議可否。允恭出與謂言。謂唯唯。允恭入奏山陵使亦無異議。遂命夏守恩字君殊。并州榆次人。領工徒數萬穿地。土石相半。繼之以水。衆議日喧。懼不能成功。中作而罷。奏請待命。謂茆允恭依違不決。內侍毛昌達自陵下還。以其事聞。詔問謂。謂始請遣使按視。旣而咸請復用舊地。乃詔馮拯曹利用等。就謂第議。遣王曾復視。曾還請獨對。因言謂包藏禍心。令允恭移皇堂于絕地。太后大驚。怒甚。欲併誅謂。馮拯進曰。謂固有罪。然帝新卽位。亟誅大臣。駭天下耳目。后怒稍解。遂止誅允恭等。二日太后召宰相諭曰。丁謂爲宰相。乃與宦官交通。謂前附允恭奏事。皆言已與卿等定議。故皆可之。且營奉

人聽觀之有且拯已自稱
莫敢辨虛實則平日之委
蛇進亦可概見矣

先帝陵寢而擅有遷易。幾誤大事。拯等對曰。自先帝登遐。政事皆謂與允恭同議。稱得旨禁中。臣等莫敢辨虛實。賴聖神察其姦。此宗社之福也。任中正獨進曰。謂被先帝顧託。雖有罪。請如律議功。會曰。謂以不忠得罪宗廟。尚可議邪。乃降授謂太子少保。分司西京。并罷中正。出知鄆州。故事。黜宰相皆降制。時欲亟行。止召舍人草詞。仍榜朝堂。宣諭天下。以拯爲山陵使。

秋七月甲子朔日食幾盡。

以王曾同平章事。呂夷簡。魯宗道。參知政事。錢惟演爲樞密使。

會方嚴持重。每進見。言利害事。審而中理。多所拔薦。尤

惡僥倖。帝嘗問曾曰。比臣僚請對。多求進者。曾對曰。惟陛下抑奔競。崇恬靜。庶幾有難進易退之人矣。初。真宗封岱祀汾。兩過洛陽。皆幸呂蒙正第。問曰。卿諸子孰可用。蒙正對曰。臣諸子皆不足用。姪夷簡。宰相材也。夷簡由是進用。累擢知開封府。嚴辨有聲。真宗識其姓名于屏風。將大任之。不果。宗道嘗爲右正言。論列無所畏避。真宗書殿壁曰。魯直。蓋思念之也。

丁謂有罪。貶崖州司戶參軍。

初。女道士劉德妙。嘗以巫師出入謂家。謂敗。逮繫德妙。內侍鞠之。德妙具言。謂嘗教之曰。汝所爲不過巫事。不若托老君言禍福。足以動人。于是卽謂家設神像。夜醮。

于園中雷允恭數至請禱。及真宗崩。引入禁中。又因穿地得龜蛇。令德妙持入內。紿言出其家山洞中。仍教云。上即問若所事。何知為老君。第云。相公非凡人。當知之。謂又作頌。題曰混元皇帝。賜德妙。語涉妖誕。遂貶謂崖州司戶參軍。籍其家。得四方賂遺。不可勝紀。謂赴崖州。寇準使人以一烝羊逆諸境上。謂欲見準。準固辭之。準聞家僮謀欲報仇。乃杜門使縱博。母得出。候謂行遠。乃已。謂機敏有智謀。檢校過人。及居崖州。專事浮屠因果之說。家寓西京。嘗為書自克責。敘國厚恩。戒家人無輒怨望。遣人致于洛守劉耀卿。祈付其家。戒使者伺耀卿會眾僚時達之。耀卿得書。不敢私。即以上聞。太后與帝見之。感惻。遂徙雷州。亦出于揣摩也。劉耀卿。洛陽人。

八月。太后同御承明殿聽政。

冬十月。葬永定陵。在鞏縣永昌陵北。以天書殉。

史臣以天書為非。且謂綱目發明則以為非。且謂

當辨其偽焚其書誅其人
夫天書妄誕本不足信事
後止宜置諸不論不議而
已舉而投畀炎火且又追
戮奸邪豈非彰真宗之過
于殂落之後而究無補政
化之得失哉

史臣曰真宗英悟之主其初踐位相臣李沆屢奏災異
以杜其侈心然有所見及澶淵既盟封禪事作祥瑞查
臻天書屢降一國君臣如病狂然吁
可怪也仁宗以天書殉葬山陵賢哉
十一月錢惟演罷

初惟演見丁謂當國權勢薰灼因附之與為昏嫺寇準
之斥惟演有力焉及序樞密題名獨削去準姓氏云逆
準不書御史中丞蔡齊

字于思萊
州膠水人

言于帝曰寇準忠義

聞天下社稷之臣也豈可為奸黨所誣哉帝遽令磨去
之謂得罪惟演慮將及已因擠謂以自解馮拯以是惡
其為人因言惟演以妹妻劉美乃太后姻家不可與機
政以廢祖宗之法請罷之乃以保大節度使知河陽府
踰年入朝意圖執政御史鞠詠

字詠之
開封人上疏論之太后

遣內使持奏示惟演。惟演猶顧望不行。詠語右司諫劉

隨

字仲豫。開封考城人。

曰。若相惟演。當取白麻廷毀之。惟演始亟

去。

惟演出于勲貴。文辭清麗。名與楊億。劉筠。相上下。于書無所不讀。尤喜獎勵後進。嘗曰。吾生平不足者。惟

不得于黃紙上押字耳。故切切求入中書。為時議所鄙。

吐蕃李立遵來附。

給兗州學田。

判國子監孫奭上言。知兗州曰。建立學舍。以延生徒。至

數百人。臣雖以俸贍之。然常不給。乞給田十頃為學糧。

從之。諸州給學田始此。

帝初御經筵。

王曾以帝初卽位。宜近師儒。乃請御崇政殿西閣。召侍

茶法三說貼射終北宋世
凡再三更易時率以貼射
為便然亦有以見錢徒致
京師入少出多為患者而
劉敞歐陽修則極論均賦
納錢之害以此知弊由法
生惟在經理之善與不善
所謂有治人無治法耳解
鹽耗課又何獨不然

講學士孫奭直學士馮元字道宗廣州人講論語初詔雙日御
經筵自是雖隻日亦召侍臣講讀帝在經筵或左右瞻
矚及容體不正奭即拱立不講帝為竦然改聽

仁宗皇帝

癸亥天聖元年春正月立計置司罷榷茶鹽行貼射見錢法

時承平既久兵籍益廣吏員益眾上下困于財三司使

李諮

字仲詢新喻人

請省浮費鹽鐵判官俞獻卿

字諫臣歙人

亦言

天下穀帛日耗稻苗未生而和糴桑葉未吐而和買自
天禧以來日甚一日宜與大臣議掾正之上納其言乃

立計置司以張士遜

字順之陰城人

呂夷簡魯宗道領之首考

茶法利害初陝西河北商人入芻糧者

雍熙後用兵多募商人入芻糧

塞下酌地之遠近而為權貨務宋權茶之制擇要會之其直取市價而厚增之地曰江陵府曰真州曰

海州曰漢陽軍曰無為軍曰給券以茶償之後又益以

東南緡錢及香藥犀象謂之三說讀作兌及其既敝利歸

商賈入芻糧者非盡行商多其土人急于售錢得券即轉鬻茶商茶商以券取茶收蓄貿易以射厚利

券之滯積雖二三年茶不足以償物之估日高茶之價日賤故券多滯積

由是邊備日蹙入芻糧者以利薄不趨茶法大壞至是詔等較歲

入登耗上言淮南十三場茶蘄州曰王祺石橋洗馬黃梅黃州曰麻城廬州曰王

同舒州曰太湖羅源壽州曰霍山歲課五十萬緡天禧

五年纔及二十三萬緡每券直錢十萬鬻之售錢五萬

五千總為實錢十三萬緡除九萬緡為本錢歲纔得息

錢三萬餘緡而官吏廩給雜費不與焉是則虛數雖多

實利殊寡。請罷三說。以十三場本息。併計其數。罷官給

本錢。使商人與園戶自相交易。一切定爲中估。而官收

其息。如霽舒州羅源場茶斤售錢五十有六。其本錢二十有五。官不復給。但使商人輸息錢三十有一而已。

然必輦茶入官。隨商人所指而與之。給券爲驗。以防

私售。謂之貼射。以物爲質曰貼。指物而取曰射。給券爲質。而指取其茶。故有貼射之名。若

歲課貼射不盡。則官市之如舊。商人入芻糧塞下者。隨

所有實估。度地里遠近。量增其直。給券至京。一切以緡

錢償之。謂之見錢法。以實錢入粟。以實錢售茶。二者不得相爲輕重。諮等又以

乾興中解池鹽入錢京師。歲二十三萬緡。視天禧三年

數損十四萬。請令入中。之仲反。猶言注也。並邊芻粟。上皆從之。

諮法既行。商人失厚利。怨謗蜂起。會孫奭等亦言其煩擾。于是罷貼射法。官仍給本錢市茶。商人入錢售之。茶

法復壞其解鹽亦詔入錢京師隨商人
所便詔改知洪州尋奪職事在三年

三月行崇天歷

司天監張奎運所造

秋九月馮拯罷

拯氣貌嚴重而乏風節丁謂不誅實拯營救力也平居
自奉多侈靡外示儉陋人不能知至是以疾罷未幾卒

以王欽若同平章事

欽若再相以帝初臨政謂百官敘進皆有常法爲圖以
獻然亦不能大用事如眞宗朝矣

閏月故相寇準卒于雷州後復官賜諡忠愍

初太宗得通天犀

犀角紋有白理如線夜視有光者名通天犀亦曰夜明犀命工爲

二帶。一以賜準。及是準病。遣人取自洛中。既至。沐浴具。

朝服束帶。北面再拜。就榻而卒。詔許歸葬西京。道出公安。人皆路祭。插竹焚紙。

踰月。枯竹盡生筍。衆因爲立廟。號竹林寇公祠。公安。蜀漢縣。注見前。今縣東北有寇萊公祠。

冬十一月。禁巫覡邪術。

先是。洪州俗尙鬼。多巫覡惑民。凡已之所資。假神而言。

無求不得。知州夏竦。字子喬。江州德安人。索部中幾二千家。勒令

還農。毀其淫祠。以聞。詔江。浙。荆。湖。兩廣。凡挾邪術害人

者。悉禁絕之。

置益州交子。倣于唐之飛錢。以楮爲之。其後務。關子。會子。錢引。及鈔。畧同此。

初。張詠知益州。患蜀人鐵錢重。不便貿易。設質劑之法。

一交一緡。以三年爲一界而換之。六十五年爲二十二

自張詠立交子法而會關引鈔屢易名曰弊至不可究詰詠之爲此特因救一時鐵錢之失非欲經久通行效尤者不原共立制本

意圖法幾因之窒礙則拘泥不達事體之過也泉貨貫乎流通豈可使他物操其盈絀况後世以銀爲幣輕資易致又安取此滯閣朽爛之物耶

界謂之交子使富民主之後富民稍衰不能償所負爭

訟不息轉運使薛田

字希稷河東人

張若谷

字德繇南劍州沙縣人

請置

交子務以權其出入禁私造者帝從其議立務于益州

界以百二十五萬六千三百緡爲額

自是以後始以楮代銅交子代錢限

年以爲界而交易之

甲子二年夏五月丁亥朔司天監奏日食不應

中書奉表稱賀

秋八月帝臨國子監謁孔子

冬十一月立皇后郭氏

平盧節度使崇之女孫

時張美人

河南永安人石州推官堯封之女

有寵帝欲立之太后不可

而止故后雖立而頗見疎

三年夏五月帝幸御莊觀刈麥。考宋史仁宗紀是年書觀刈麥皇祐元年則不

書續綱目皇祐元年書幸後苑觀刈麥而此則不

書今依宋史為據而以續綱目所載附注于此

聞民舍機杼聲賜織婦茶帛。帝復于後苑作寶岐殿歲

殿不欲植花卉而歲以種

麥庶知稼穡之不易也

冬十一月王欽若死。

欽若既死後帝謂輔臣曰欽若久在政府觀其所為真
奸邪也王曾對曰誠如聖諭。

十二月以張知白同平章事張旻為樞密使。

太后微時嘗寓旻家旻事之甚謹后德之故自河陽召
還長樞府樞密副使旻殊言旻無勲勞徒以恩幸被寵
天下已有非才之議奈何復用為樞密使也后不悅旻
尋

更名者。

丙寅四年夏五月契丹伐回鶻圍甘州兵敗而還。

先是契丹伐回鶻入甘州降其王伊拉。

舊作耶刺里今改正。

既而又破肅州盡俘其民修土隄口故城在今肅州西北以實。

之至是契丹將蕭惠字伯仁阿固齊五世孫復圍甘州。

不克由是卓木布舊作阻今改諸部皆叛契丹兵將多敗死。

六月大水。

京師大雨平地水數尺壞民舍壓死數百人京東西及

河北江淮以南皆大水帝避殿減膳肆赦蠲民租撫流

民方水之作也宰執晨朝未人有旨放朝王曾附中使

奏曰天變甚異乃臣等燮理無狀豈可退安私室亟請

曾之解鼓妖之惑辯河決之訛雖云持以鎮靜而流言息人心安然以理論之此立朝之人盡所宜知初不必寺識力過人者而後

辦此也。至開水作於朝。堅執不退。并請見陳謨。則當時君若臣之度量亦大乎。可見矣。

入見。陳所以備禦之道同列有先歸者。皆愧服焉。時傳言汴

口決水且大至。都人恐欲東奔。帝問曾。曾曰。河決奏未至。民間妖言不足慮也。已而果然。

冬十月甲戌朔日食。

丁卯五年春正月朔。帝率羣臣朝太后于會慶殿。

先是。帝白太后。欲元日先上太后壽。乃受朝。太后不可。王曾奏曰。陛下以孝奉母儀。太后以謙全國體。請如太后令。帝不從。

晏殊罷。以夏竦為樞密副使。

殊從幸玉清昭應宮。從者持笏後至。殊怒。以笏擊之。折齒。為御史所論。出知宣州。尋改應天。自五代以來。天下學校廢壞。殊始興建。為諸州倡。且延范仲淹。字希文。蘇州吳縣人。

以教生徒。仲淹敦尚風節。每感激論天下事。殊深器之。
竦明敏博學。文章典雅。材術過人。但急于進取。喜交結。
任數傾側。世以奸邪目之。

夏五月。楚王元佐卒。

秋九月。以程琳

字天球。永寧軍博野人。

爲御史中丞。

張知白最器琳。當除命。喜曰。不辱吾筆。琳上疏。請罷諸

土木營造。蠲被災郡縣逋租。帝嘉納之。未幾。除知開封

府。

王蒙正子齊雄殺人。貨其妻子。使以病告。蒙正聯姻太后家。琳察其詞色異。令有司驗之。得狀。太后因琳

對諭之曰。齊雄非殺人者。乃其奴捶之。琳曰。奴無自專理。且使令與已犯同。太后默然。卒論如法。

戊辰

六年春二月。工部尙書同平章事張知白卒。

諡文節。

知白爲相。慎名器。抑微倖。每以盛滿爲戒。雖貴顯。清約

如寒士。及是卒。帝爲罷上已宴。

三月丙申朔日食。

以張士遜同平章事。姜遵

字從式。淄州長山人。

范雍

字伯純。河南人。

爲樞密

副使。

士遜之相。曹利用薦之也。

夏五月。趙德明使其子元昊

小字烏哩克。舊作鬼理。史稱夏國語謂惜爲鬼。富貴爲理。

誤。今訂正。襲回鶻甘州。取之。

元昊性雄毅。多大畧。善繪畫。能創製物始。圓面高準。曉

浮圖學。通蕃漢文字。德明雖臣事中國及契丹。然于本

國則稱帝。至是以元昊襲破回鶻。奪甘州。遂立爲皇太

子。元昊事始此。

秋七月江南河北水

據宋史及東都事畧是年大水並在七月亦不及兩浙今改正

江寧府揚真潤州江水溢詔遣使安撫賑恤河北大水

九月遣近臣十七人巡行免水災州軍秋稅

已巳七年春正月曹利用罷

時太后臨朝中人貴戚稍能軒輊爲禍福而利用以勲舊自處不恤也凡內降恩力持不與左右多怨之太后亦嚴憚利用稱曰侍中而不名利用奏事簾前或以指爪擊帶鞶左右指示太后曰利用在先帝時何敢爾邪太后領之會利用從子洸爲趙州兵馬監押被酒衣黃衣令人呼萬歲事聞洸杖死內侍羅崇勲與利用有隙先是崇勲得罪太后使利用戒請併罪利用后問諸執之利用去其冠幘詬詈良久

政衆顧望未有對者。張士遜徐曰：「此獨不肖子爲之。利用大臣，宜不知狀。」后大怒。王曾復爲力解。后曰：「卿嘗言利用彊橫，今何解也？」曾曰：「利用素恃恩，故常以理折之。今加以大惡，則非臣所知也。」后意少釋，乃罷爲千牛衛將軍，知隨州。

二月，參知政事魯宗道卒。

諡簡肅。

宗道剛正嫉惡，遇事敢言。貴戚用事者皆憚之，目爲魚

頭參政。因其姓，且言骨鯁也。及卒，太后臨奠之。

太后臨朝，宗道

屢有獻替。后嘗問唐武后何如主，對曰：「唐之罪人也。」幾危社稷。后默然。有小臣方仲弓請立劉氏七廟。后問諸輔臣，衆不敢對。宗道獨進曰：「若立劉氏七廟，如嗣君何？」乃止。后嘗與帝同幸慈孝寺，欲乘輦先行。宗道以夫死從子之義爭之。后遽命輦後乘輿。

張士遜罷。

先是曹利用憑寵自恣。士遜爲相。依違其間。時人目之爲和鼓。及是。利用旣斥。士遜遂罷。

以呂夷簡同平章事。夏竦。薛奎。參知政事。陳堯佐。

字希元。堯叟之弟。

爲樞密副使。

初奎知開封府時。真宗數宴大臣。至有沾醉者。奎諫曰。今天下誠無事。然宴樂無度。大臣數被酒失儀。非所以重朝廷也。真宗善其言。及是入謝。帝曰。先帝嘗以卿可大任。今用卿。先帝意也。他日帝諭輔臣曰。臣事君。鮮有克終者。奎對曰。保終之道。匪獨臣下然也。因歷數唐開元天寶時事以聞。帝然之。

安置曹利用于房州。至襄陽。自殺。

利用復坐私貸官錢再貶。宦者多惡利用。必欲致之死。以快志。內侍楊懷敏送之。至襄陽驛。以語侵之。利用遂投繯而死。利用性悍。梗少通。力裁僥倖。而其親舊或有因緣以進者。故及于禍。然居位忠盡有守。終始不屈。死非其罪。聞者冤之。

復制舉諸科。

自祥符罷制舉。至是。帝詔復置六科。以待京朝官之被舉及應選者。增置書判拔萃科。以待選人之應書者。又置高蹈邱園。沉淪草澤。茂材異等。三科。以待布衣之被舉者。又置武舉。以待方畧智勇之士。

三月。給契丹流民田。

契丹饑。流民至境上。帝曰。皆吾赤子也。詔給以唐鄧州

閒田。仍令所過給食。

夏六月。玉清昭應宮災。罷王曾知青州。續綱目作兗州。今據宋史及東都事

畧。改正。

丁未夜。大雨震電。宮內火起。至曉。宮室盡燬。詔繫守衛者于御史獄。太后泣對大臣曰。先帝竭力成此宮。一夕延燎幾盡。惟長生崇壽二小殿存爾。何以稱遺旨哉。范雍抗言曰。不若悉燔之。先朝以此竭天下之力。遽爲灰燼。非出人意。如因其所存。又將葺之。則民不堪命。非所以祇天戒也。中丞王曙亦言。是宮之建。非應經義。災變之來。若有警者。願除其地。罷諸禱祠。以應天變。司諫范諷字補之。齊州人。復言。此天之戒告。不當置獄窮治。太后與帝

輔臣宮觀使名實非正道
蓋自真宗崇奉天書始仿
唐時太清宮使而置本不

當於政經仁宗因災罷之
可為得體追政和中復建
神霄玉清萬壽等宮紛紛
置使終宋之世遂以為優
禮大臣之典拜命者雖賢
不免腴顏受之習俗移人
乃至是哉

感悟遂減守衛者罪乃下詔不復繕修以二殿為萬壽
觀罷諸宮觀使初太后受冊將御大安殿會執不可及
長寧節上壽又執不可皆供帳便殿太后左右姻家稍
通請謁會多裁抑之太后滋不悅至是會以首相罷知
青州

秋八月丁亥朔日食

契丹詳褒大延琳據遼陽反冬十月契丹將蕭孝穆

小字和多

郭沁阿固齊五世孫按和討之多郭沁舊作胡獨董今改正

遼東自神冊中附契丹無權酤鹽麴之法馮延休韓紹

勲延徽孫相繼為戶部使始以燕法繩之民不堪命會燕

荐饑戶部副使王嘉獻計造船使其民漕粟以賑之水

路艱險。多至覆沒。鞭撲榜掠。民怨思亂。東京錫里軍詳
袞大延琳。因之爲變。遂囚留守蕭孝先。字延寧。孝穆弟。及其妻
南陽公主。殺紹勳。嘉以快衆情。僭號興遼。改元天慶。副
留守王道平。踰城走。告變。契丹主徵諸道兵。命南京留
守蕭孝穆爲都統以討之。賊兵屢敗。延琳嬰城固守。明
年。賊將楊詳世夜開門納軍。遂擒延琳。

京師地震。

十一月。出秘閣校理范仲淹通判河中。

同御大安受朝。摺之于禮。
誠不合仲淹論之是也。疏
請還政。尤能持大義而據。

時帝每以歲旦冬至。率百官上太后壽于會靈殿。遂同
御大安殿以受朝。秘閣校理范仲淹上疏曰。天子奉親
于內。自有家人禮。今顧與百官同列北面而朝。虧君體。

忠直可謂不負所學至以
宰百官上壽會寧為虧君
體損主威所言殊為矯枉
過正天子合天下以降尊
養躬率羣臣東朝拜舞正
所以備儀教孝為世法程
又何同刻北面之嫌乎

損主威。非所以垂法後世也。疏入。不報。晏殊初薦仲淹。
為館職。聞之大懼。召仲淹。詰以狂妄邀名。且將累薦者。
仲淹正色抗言曰。仲淹謬辱公薦。每懼不稱。為知己羞。
不意今日。反以忠直獲罪門下。殊不能答。既而又疏請。
太后還政。亦不報。遂乞外補。出為河中府通判。

庚午
八年秋八月復解鹽通商法。

上書者言權解鹽官得利微而民困于轉輸。詔翰林學

士盛度等議更其制度。上通商五利。伐木造船輦運疲勞今去其弊一也。

陸運貧人懼役連歲遁逃今悉罷二也。船運有沉溺之患。綱吏侵盜雜以沙石。今皆得食其鹽三也。錢幣欲使流通。今歲得商人出緡錢六十餘萬助經費四也。歲減鹽官兵卒畦夫傭作之給五也。乃罷三京

二十八州軍權法。聽商人入錢若金銀于京師權貨務。

受兩池鹽。自是商賈流行。而官課損矣。

九月。姜遵卒。以趙稹

字表微。宣城人。

為樞密副使。

時政出宮掖。稹厚結劉美家婢。以干進用。命未下。有馳告者。稹問東頭西頭。蓋意在中書也。聞者以為笑談。

辛未

九年。夏六月。契丹主隆緒卒。子宗真立。其母蕭訥木謹

阿固齊五世孫。按訥木謹。舊作壽斤。今改正。

治國事。

宗真宮人蕭訥木謹所生。齊天后蕭氏無子。取而養之。

愛同已出。至是立焉。訥木謹自立為皇太后。聽政。

宗真改元。

景福號隆緒曰聖宗。

初。隆緒疾革。訥木謹詈齊天后曰。老物之寵

亦有既邪。及隆緒卒。左右希訥木謹旨。誣齊天后弟謀逆。訥木謹令鞠治。連及齊天后。宗真聞之曰。皇后侍先

帝四十年。撫育朕躬。當爲太后。今不果。反罪之。可乎。訥
木謹曰。此人若在。恐爲後患。宗真曰。皇后無子而老。雖
在。無能爲也。訥木謹不從。遷之上京。

秋七月。遣龍圖閣待制孔道輔

字原魯。孔子四十五世孫。等使契丹。

契丹來告哀。帝遣道輔及王隨

字子正。河南人。

等充賀冊及弔

祭等使。初。道輔使契丹。契丹燕使者。優人以文宣王爲
戲。道輔艷然徑出。主客者邀還坐。且令謝。道輔正色曰。
中國與北朝通好。以禮文相接。今俳優之徒。侮慢先聖。
而不之禁。北朝之過也。何謝爲。至是再使。契丹益加禮
重。

冬十月。罷翰林學士宋綬。

字公垂。趙州平棘人。

夷簡相業一無足稱惟議宸妃飾終之禮思深慮遠所全實多而持論不激不隨尤得大體衡人者瑕不掩瑜褒其一善正所以貶其他過惡耳

時太后專政而帝未始獨對羣臣。綬請令羣臣對前殿。非軍國大事及除拜皆前殿取旨。書上忤太后意。出知應天府。

王申明道元年春二月真宗宸妃李氏薨。

李氏實生帝。太后既取帝爲己子。與楊太妃保護之。李氏默然處先朝嬪御中。未嘗自異。人畏太后亦無敢言者。以是帝雖春秋長不自知爲李氏出也。至是疾革。乃自順容進位宸妃。薨。太后欲以宮人禮治喪于外。呂夷簡奏禮宜從厚。太后遽引帝起。復獨立簾下。召夷簡問曰。一宮人死。相公云云何也。夷簡對曰。臣待罪宰相。事無內外皆當預也。后怒曰。相公欲離間吾母子邪。夷簡

對曰。陛下不以劉氏爲念。臣不敢言。尚念劉氏。則喪禮宜從厚。后悟。乃以一品禮殯于洪福院。夷簡又謂入內都知羅崇勲曰。宸妃當以后服殮。用水銀寶棺。異時勿謂夷簡不道及也。崇勲懼。馳告太后。乃許之。

三月。契丹蕭訥木謹弑其主母蕭氏。

訥木謹慮契丹主懷齊天后鞠育恩。因其薨于雪林。遣人馳至臨潢。賜后死。后曰。我實無辜。天下共知。待我浴而後就死。使者退。比反。則后已死矣。

秋。七月。宮中火。詔羣臣言闕失。

大內火。延及八殿。帝移御延福宮。百官晨朝。而宮門不啓。輔臣請對。帝御拱宸門。追班。百官拜樓下。呂夷簡不

拜帝使人問其故曰宮中有變羣臣願一見清光上舉
簾見之乃拜有司究火所起多引宮人屬吏御史蔣堂
字希魯常州宜興人言火起無迹安知非天意陛下宜修德應變
有司乃欲歸咎宮人是重天譴也時促開封府具獄程
琳命工圖火所經處辨其誣伏者且言此殆天災不可
以罪人遂罷獄詔羣臣直言闕失大赦殿中丞滕宗諒
字子京河南人秘書丞劉越字子長大名皆請太后還政以答天譴
不報

冬十一月夏王趙德明卒子元昊嗣

是歲封德明爲夏王未幾卒贈太師尚書令兼中書令
遣楊吉授元昊三使節度觀宗及處置押蕃落使封西平王契丹亦

遣使冊元昊爲夏國王。初元昊數諫其父勿臣宋。德明
輒戒之曰。吾用兵久疲矣。吾族三十年衣錦綺。此宋恩
也不可負。元昊曰。衣皮毛事畜牧。蕃性所便。英雄之生。
當霸王耳。何錦綺爲。旣襲封。明號令。以兵法勅諸部。自號鄂摩烏
珠。舊作嵬名。今改。凡六日九日。則見官屬。倣中國置文武班。
立蕃漢學。自中書令宰相樞密使以下。皆分命蕃漢人
爲之。以衣冠采色別士庶貴賤。每舉兵。必率部長與獵。
有獲。則下馬環坐而飲。割鮮而食。各問所見。擇取其長。
因避父諱。改明道爲顯道。稱于國中。

癸酉二年春二月彗星見于東北。

光芒長二尺。司天言含譽星。

注見前。見。然觀者皆以爲彗。

太后有事于太廟。

太后欲被服天子袞冕以享太廟。薛奎力諫。且曰。必御此。若何爲拜。后不聽。服儀天冠袞衣。初獻。皇太妃亞獻。皇后終獻。禮畢。羣臣上太后尊號。

帝耕藉田。

命宰相張士遜

明道元年二月復相。

撰謁太廟及躬耕藉田記。檢

討宋祁

字子京。安陵人。

言皇太后謁廟。非後世法。乃止。撰藉田

記。

三月。皇太后劉氏崩。

諡曰莊。獻明肅。

尊太妃楊氏爲皇太后。帝始

親政。

后稱制十一年。雖政出宮闈。而號令嚴明。恩威加天下。

莊獻不嘗問營宗道以武
后何如主乎且欲立劉氏
七廟被天子袞冕皆何爲
者至進外家任宦者猶其
過之小者耳獨於程琳之
獻圖乃擲地詬之豈真乃
心宋室蓋亦知彼時勢尙
有不能而已更臣遂有過
舉之談蓋必出於曾受其
惠者之口

左右近習少所假借宮掖間未嘗妄改作內外賜予有
節賜族人御食必易以銅器曰上方器物勿使入吾家
也三司使程琳獻武后臨朝圖后擲于地曰吾不作此
負祖宗事漕使劉綽河中虞鄉人還京西言在庾有出贖糧
千餘斛乞付三司后問曰卿識王曾張知白呂夷簡曾
宗道乎此四人者豈因獻羨餘進哉晚年稍進外家而
任宦者羅崇勲江德明等訪外事崇勲由此勢傾中外
至是后崩帝見左右泣曰太后疾不能言猶數引其衣
若有所屬何也薛奎曰其在袞冕也服之豈可見先帝
于地下帝悟遂以后服斂舊制后皆二諡稱制加四諡
自此始太后遺誥尊太妃爲皇太后與皇帝同議軍國

事。閣門趣百僚賀。御史中丞蔡齊目臺吏毋追班而入。白執政曰。上春秋長。習知天下情偽。今宜躬攬朝政。豈可使女后相踵稱制乎。殿中侍御史龐籍字醇之。單州武城人。請下閣門。取垂簾儀制盡焚之。乃止尊太妃爲皇太后。而削去同議軍國事之語。帝始親政。罷創修寺觀。裁抑僥倖。召宋綬。范仲淹。而黜內侍羅崇勳等。中外大悅。劉太后愛帝如已出。帝亦盡孝。故始終無毫髮間隙。及帝親庶務。言者多追詆太后時事。范仲淹言于帝曰。太后受遺先帝。調護陛下者十年。今宜掩其小故。以全大德。帝曰。此亦朕所不忍聞也。遂下詔。戒飭中外。毋得輒言皇太后垂簾日事。

夏四月。呂夷簡。張耒。夏竦。陳堯佐。范雍。趙鼎。晏殊。罷。

夷簡疏陳八事。

正朝綱。塞邪徑。禁賄賂。辨佞壬。絕女謁。疎近習。罷力役。節冗費。語甚切。

夷簡本非正人但廢后一事不得歸罪于彼以爲修報復也試問后而批及帝爲有罪爲無罪即使無其事夷簡用計傾之則不容詆矣其詳見於廢后事

至帝因與謀以張耆等皆附太后欲悉罷之夷簡以爲然帝退以語皇后后曰夷簡獨不附太后邪但多機巧善應變耳由是夷簡亦罷制下夷簡方押班聞唱名大駭不知其故因令素所厚內侍都知閤文應開封人詢之乃知事由郭后也于是深憾后思有以傾之

以李廸同平章事王隨參知政事李諮爲樞密副使王德用僉書樞密院事

廸自太后崩召還未幾復相德用初爲殿前都虞候有求太后內降補軍吏者德用曰補吏軍政也不可與太后固欲與之德用卒不奉詔至是帝閱太后閣中得德用所奏事奇之以爲可大用遂拜僉樞

追尊母宸妃李氏爲皇太后

諡莊懿

左右有爲帝言。陛下乃李宸妃所生。妃死以非命者。帝號慟累日。下詔自責。追尊爲皇太后。幸洪福寺祭告。易梓宮。親啓視之。妃以水銀故。玉色如生。冠服如皇后。帝歎曰。人言其可信哉。待劉氏加厚。

六月甲午朔日食。

秋七月旱。蝗。詔求直言。

時歲大旱。蝗食草木幾盡。范仲淹請遣使循行。未報。因

請問曰。宮掖中半日不食。當何如。帝惻然。乃命陳執中

字昭譽。

安撫京東。仲淹安撫江淮。

時初置端明殿學士。以命宋綬。綬上言。帝

王御天下。在總攬威柄。陛下躬親萬幾。內外延首望治。而賞罰號令。未能過於前日。頃者恩出太后。而今又出

大臣大臣市恩以招權小人趨利以售進此風寔長有蠹邦政太宗嘗曰國家無外憂必有內患外憂不過邊事皆可預防若姦邪共濟爲內患深可懼也真宗亦曰唐朝朋黨尤甚以致王室卑弱願陛下思祖宗訓戒念王業艱難整齊紀綱正在今日又言馭下之道有三臨事貴守當機貴斷兆謀貴密能守則姦無由移能斷則邪無由惑能密則事無由變斯安危之所繫惟陛下深念之

冬十月葬莊獻明肅皇后莊懿皇后于永定陵

詔定祔廟禮翰林侍讀學士宋綬援春秋考仲子之宮故事請別築宮乃作奉慈廟以奉二后神主

張士遜楊崇勳

明道元年爲樞密副使

免以呂夷簡同平章事宋綬

叅知政事王曙爲樞密使王德用蔡齊爲副使

士遜與崇勳宴飲期上莊懿太后冊不至中丞范諷劾之俱罷夷簡遂復相

十一月薛奎罷。

奎以疾罷。踰年卒。奎謀議正直。或志不伸。歸輒歎咤不食。家人笑曰。何必如是。奎曰。吾仰慙士人。俯愧後世爾。尤善知人。范仲淹。龐籍。明鎬。字化基。密州安邱人。自爲吏部選人。皆以公輔許之。卒如其言。

詔宰相毋得進用臺官。

臺官職司糾舉。若曰初臣汲引則心存瞻顧。必致共效寒蟬。且以朝廷言路爲政府市恩之地。植黨樹私。弊將無所終極。仁宗此詔。達政體而持法紀。實正本清源之道。

言者謂臺官必由中旨。乃祖宗法也。帝曰。祖宗法不可壞。宰相自用臺官。則宰相過失。無敢言者。乃詔自今臺官非中丞知雜保薦者。毋得除授。

廢皇后郭氏。謫御史中丞孔道輔。右司諫范仲淹。

時尚美人楊美人俱得幸。數與皇后忿爭。一日尚氏于

妻之於夫亦猶臣之於君
子之於父耳妻批夫而無
罪則臣批君子批父亦可
不罪乎仁宗之失在於寵
二美人使之與后忿爭既
爭而相鬪又失之自起相
救耳然既已批及帝頸則
罪在后矣即誤亦不可而
況宮闈之秘所云誤者出
諸誰口然則臣之於君子
之於父又可誤批乎仁宗
不能明正大義抵之以罪
而顧謀之宦官謀之執政
以至議論紛然道輔仲淹
反以黜而得名所為不益
可笑哉

帝前有侵后語后不勝忿批其頰帝自起救之誤批帝
頸帝大怒內侍閻文應因與帝謀廢后且勸以爪痕示
執政帝以示呂夷簡告之故夷簡有憾于后遂主廢黜
之議帝猶疑之夷簡曰光武漢之明主也郭后止以怨
懟坐廢况傷陛下頸乎帝意遂決夷簡先敕有司毋得
受臺諫章奏乃詔稱皇后願入道封淨妃玉京冲妙仙
師居長寧宮臺諫章疏果不得入于是中丞孔道輔率
諫官范仲淹孫祖德字延仲維州北海人宋庠本名郊字公序祁之兄劉渙
御史蔣堂郭勸字仲褒鄆州須城人楊偕字次公坊州中部人馬絳段少連
字希逸十人詣垂拱殿伏奏皇后天下之母不當輕廢
願賜對盡所言毀門闔不為通道輔叩鑲大呼曰皇后

被廢。奈何不聽臺臣言。尋有詔。令夷簡諭以皇后當廢狀。道輔等至中書。語夷簡曰。大臣之于帝后。猶子事父母也。父母不和。可以諫止。奈何順父出母乎。夷簡曰。廢后有漢唐故事。道輔曰。大臣當導君以堯舜。豈得引漢唐失德爲法邪。夷簡不答。卽奏言。伏閣請對。非太平美事。遂黜道輔知泰州。仲淹知睦州。祖德等罰金。仍詔臺諫自今毋相率請對。明日。道輔等趨朝。欲留百官。揖宰相廷爭。至待漏院。聞詔乃退。道輔鯁挺特達。遇事彈劾。無所避。天下皆以直道許之。僉書河陽判官富弼。字彥國。河南人。言。朝廷一舉而兩失。縱不能復后。宜還仲淹等。不聽。後近臣有獻詩百篇者。執政請除龍圖閣直學士。帝曰。是詩雖多。不如孔道輔一言。遂以命道輔。自是在廷皆

知前日之斥
果非上意也。

甲戌景祐元年春正月置崇政殿說書。

侍講學士孫奭年老乞外因薦賈昌朝。字子明真。趙希

言王宗道楊安國。字君倚密州安邱人。等自代遂置說書日輪二

人祇候昌朝誦說明白帝多所質問。

夏五月契丹主宗真幽其母蕭氏于慶州。遼置故城在今巴林西北蒙古

名察罕城。

契丹太后訥木謹陰召諸弟議立少子重元。小字伯奇展聖宗次

子舊作字吉只今改。重元以其謀白遼主遼主遂收太后符璽遷

之慶州齊克。舊作七括今改。宮始親決國事立重元為皇太弟

八月有星孛于張翼。張六星注見前翼二十二星天之樂府又主遠賓。

帝以星變。避殿減膳。尋詔淨妃郭氏出居瑤華宮。賜號冲靜元師。尚美人亦廢于洞真宮入道。楊美人別宅安置。

王曙卒。以王曾為樞密使。

曙方嚴簡重。有大臣體。居官深自損抑。然喜浮圖法。齋居蔬食。泊如也。及卒。以王曾代之。

九月立曹氏。

彬女為皇后。

御史裏行孫沔。

字元規。會稽人。

請終莊獻喪制而後行。秘書丞

余靖。

字安道。韶州曲江人。

亦以為言。不報。

冬十月趙元昊寇環慶。

續綱目于是年七月書趙元昊反。寇環慶。考宋史夏國傳及東都事

畧。元昊入寇。俱不係七月。且入寇環慶在先。稱兵報仇在後。自是兩事。續綱目混而為一。敘次顛倒。今改正。再考宋

史仁宗紀。景祐元年十二月。賜趙元昊佛經。蓋是時元昊雖僭擬改元。然猶遣使奉貢。故禮賜如故。至寶元元年。上表自言稱帝。本紀乃始書反。今一依本紀。為斷于此書寇。于寶元元年書反。

元昊率眾至環慶。殺掠居民。下詔約束之。已而慶州柔

遠此石宋置在今慶陽府安化縣北蕃部都巡檢威通威羌姓舊作龜今改攻後

橋諸堡。夏人所築破之。元昊稱兵報仇。緣邊都巡檢楊遵與

戰。敗績。環慶都監齊宗矩援之。次節義峯。在安化縣西北伏發

被執。久之始放還。元昊雖嘗奉貢。而車服僭擬。改元開運。或曰石晉敗亡號也。乃改廣運。是

月其母衛慕氏之族人山喜謀殺元昊事。覺元昊酖其母殺之。沉山喜之族于河。遣使來告哀。

乙亥二年春正月。作通英延義二閣。

先是。龍圖閣學士祥符中置。班樞密直學士上。孫奭繪無逸圖以進。

帝命施于講讀閣。至是。又詔蔡襄字君謨。興化軍仙遊人。寫無逸

篇于閣屏。

貶御史裏行孫沔監永州酒務。

沔上言自孔道輔范仲淹被黜凡在縉紳盡懷緘默乞

少霽天威用存國體疏入責知衡山縣沔未知有責命

復上書言事。

畧曰深宮之中侍左右者刀鋸之餘悅耳目者艷冶之色宸禁畫嚴乘輿天遠未見

欵召名臣請問外事詢祖宗之紀綱質朝廷之得失徒修簡易之名未益承平之化又曰願推擇大臣講求古道極論精忠品藻賢哲逐刺史縣令老懦貪殘之輩以利于民罷公卿大夫諂佞詭誕之士以肅于朝簡掖庭之幽曠以求錫美之慶抑官書奏再責監永州酒務

侍之重任以防昵近之私

二月育宗室允讓

太宗之孫商王元份之子

子宗實于宮中

時帝未有繼嗣曹皇后居中決定大計遂取宗實入宮

后拊鞠之時年四歲

李迪罷。以王曾同平章事。蔡齊盛度參知政事。王隨李諮

知樞密事。王德用韓億

字宗魏。開封雍邱人。

同知院事。

侍御史龐籍劾三司使范諷。李迪右之。籍劾諷不已。詔

下獄置對。上獨召呂夷簡與宋綬決獄。夷簡素疾諷。又

欲因以傾迪。特寬籍而重貶諷。凡與諷善者皆絀削。迪

遂罷知亳州。

迪謂人曰。迪不自量。恃主上之知。自以爲宋璟。而以呂公爲姚崇。其待我乃如是邪。

當時謂籍之劾諷。夷簡實陰教之。

命集賢校理李照重定雅樂。

時承平日久。帝留意禮樂之事。判太常寺燕肅

字穆之。青州益

都人。乞以王朴所造律準。考定樂器。帝乃命李照。照言朴

律準。視古樂高五律。視教坊樂高二律。臣請依神瞽律

法試鑄編鐘一簾。可使量度權衡協和。詔許之。既成。帝

御延福宮觀焉。然照獨任所見。更造新器。聲極下。議者

非之。乃詔天下有深達鍾律音者。所在以聞。知杭州鄭

向。字公明。陳留人。薦鎮東推官阮逸。知蘇州范仲淹。薦布衣胡

瑗。字翼之。泰州海陵人。瑗逸至闕。盛言照樂穿鑿。帝命改作之。瑗

以橫黍累尺。及成。則律圍徑與古不合。而逸又獨執周

禮嘉量之法。請鑄量以定律。右司諫韓琦。字稚圭。國子

白燕肅倡議以來。言人人殊。臣恐後人復有從而非之

者。臣竊計之。不若窮作樂之原。爲致治之本。使政令平

簡。民物熙洽。斯則治古之樂也。可以器象求乎。今西北

二隄久弛。邊備陛下與左右大臣宜先及之。緩茲求樂

之議移訪安邊之策。帝嘉納之。詔太常仍用和峴所定樂。

秋九月。作睦親宅。宋史帝紀改七月爲九月。

上以皇族散處都城。或睽燕集。詔以玉清昭應宮舊地作睦親宅以處之。

冬十一月。故后郭氏暴卒。詔竄內侍閹文應于嶺南。

后居瑤華。帝頗念之。遣使存問。賜以樂府。后和答辭甚悽惋。帝悔。嘗密遣人召之。后辭曰。若再見召。須百官立班受冊方可。文應以嘗譖后。懼其復立。屬后小疾。帝遣文應挾醫診視。數日。言后暴崩。中外疑文應進毒而不得其實。帝深悼之。追復后號。以禮殮葬。而停謚冊祔廟。

之禮。知開封府范仲淹劾奏文應之罪。竄之嶺南。死于道。

詔錄五代及諸國後

以郊祀加恩故也。時御史臺辟石介

字守道。兗州奉符人。

為主簿。

介未至。論不當求諸僞國後。坐罷。

館閣校勘歐陽修遺書責中丞杜衍曰。主

簿于臺中。非言事官。介足未履臺門之闕。已用言事見

罷。度介之才。不止為主簿。直可為御史。今斥介而他舉。亦必擇賢。夫賢者固好辯。又有言。則又斥而他舉乎。如此。則必得愚闇懦默者而後止也。衍不能用。歐陽修

字永叔。廬陵人。杜衍字世昌。越州山陰人。

十二月。吐蕃旦勒斯賚大敗趙元昊于河湟。

趙元昊遣蘇木諾爾

舊作蘇奴。兒。今改正。

將兵擊旦勒斯賚。敗死。

殆盡。蘇木諾爾被執。元昊自領衆攻猶牛城。

即釐牛城。後崇寧中。

改名宣威。在今西寧府西寧縣北。一月不下。既而詐約和。城開。元昊大

縱殺戮。又攻青唐。

今西寧縣宋初屬吐蕃。謂之青唐城。

宗噶爾。

註見前。

帶星

嶺

在西寧縣故龍支城西北。

諸城。且勒斯賚部將安子羅以兵截歸

路。元昊與戰。敗之。然部兵溺宗噶爾河。

即宗噶爾川。亦曰宗水。源出西

寧邊外。東北流入湟河。

及飢死過半。未幾。并兵臨河湟。且勒斯賚

壁鄯州不出。元昊乃渡河。插幟識其淺。且勒斯賚潛使

人移植深處。及大戰。元昊潰歸。士卒視幟而渡。溺死者

十八九。鹵獲甚衆。且勒斯賚來獻捷。詔加保順軍留後。

丙子三年春三月。詔優給致仕官俸。

詔曰。致仕官舊給半俸。而仕嘗顯者。或貧不能自給。非所以遇高年。養廉恥也。自今兩省卿監。刺史。閤門使。以

上致仕者。給俸如分司。長吏歲時以朕意勞賜之。

復貼射茶法。

自貼射茶法廢。而河北入中虛估之弊益甚。李諮既居政府。請復行見錢法。皆如天聖元年之制。又命商持券徑趨權貨務驗實。立償之錢。而三說之法廢。縣官自此省費矣。

夏五月。貶知開封府范仲淹。及集賢校理余靖。館閣校勘尹洙。字師魯。河南人。歐陽修于外。詔戒羣臣越職言事。

仲淹以呂夷簡執政。進用多出其門。上百官圖。指其次第曰。如此爲序遷。如此爲不次。如此則公。如此則私。况進退近臣。凡超格者。不宜全委之宰相。夷簡不悅。他日

論建都之事。仲淹進曰。洛陽險固。而汴爲四戰之地。太平宜居汴。卽有事。必居洛陽。當漸廣儲蓄。繕宮室。帝以問夷簡。夷簡對曰。仲淹迂濶。務名無實。仲淹聞之。乃爲四論以獻。一曰帝王好尚。二曰選賢任能。三曰近名。四曰推變。大抵譏切時弊。且曰。漢成帝信張禹。不疑舅家。故有新莽之禍。臣恐今日亦有張禹。壞陛下家法。夷簡訴仲淹越職言事。離間君臣。引用朋黨。仲淹對益切。由是落職知饒州。集賢校理余靖上言。仲淹以譏刺大臣。重加譴謫。儻其言未合聖慮。在陛下聽與不聽耳。安可以爲罪乎。汲黯在廷。以平津爲多詐。張昭論將。以魯肅爲龕疎。漢皇吳主。熟聞訾毀。兩用無猜。豈損令德。陛下自親政以來。屢逐言事者。

恐鉗天下口。請改前命疏入。坐落職。監筠州。唐置。今江西瑞州府。

是。酒稅。館閣校勘尹洙上疏曰。仲淹忠亮有素。臣與之

義兼師友。則是仲淹之黨也。臣不可苟免。夷簡怒。斥監

郢州酒稅。館閣校勘歐陽修貽書責司諫高若訥。字敏

州榆次人。曰。仲淹以非辜逐。君不能辨。猶以面目見士大夫。

出入朝中。是不復知人間有羞恥事。若訥怒。上其書。修

坐貶夷陵。注見前。令。于是御史韓縝。字玉汝。億第六子。希夷簡旨。

請以仲淹朋黨榜朝堂。戒百官越職言事。從之。時朝士畏宰相。

無敢出送仲淹者。獨龍圖直學士李絃。集賢校理王質。

出郊飲餞之。或以訥質。質曰。希文賢者。得為朋黨幸矣。

館閣校勘蔡襄作四賢一不肖詩。以譽仲淹。靖洙修而譏若訥。都人相傳寫。粥書者市之。得厚利。契丹使適至。買歸。張于幽州館。李絃字仲綱。昌齡從子。王質字子野。旦第三子。

秋七月。置太宗正司。

以宗室允讓領之。時諸王子孫衆多。既聚居睦親宅。詔于祖宗後各擇一人。使司訓導糾遺失。

冬。十月。契丹初殿試進士。

契丹主御元和殿。以日射三十六熊賦。幸燕詩。試進士于廷。遂大宴。

十一月。皇太后楊氏崩。

諡章惠。祔葬永定陵。

十二月。趙元昊侵回鶻。取瓜沙肅州。

注見前。

元昊既悉有夏銀。綏宥。靜靈。鹽會。勝。甘涼。

注俱見前。

又取瓜

沙肅。而洪定。威龍。皆卽堡鎮。號爲州。

洪州。以洪源谷名。在今涼州府平番

縣。定州。卽定遠鎮。注見前。威州。卽威振堡。在今寧夏府平羅縣。龍州。今榆林府靖邊縣之龍州堡是。仍居

興州

元吳改靈州為興州。

以為興慶府阻河。

黃河也。

依賀蘭山

在今寧夏

府寧朔縣西。元和志其山樹木青白。望如駿馬。彼人呼駿馬為賀蘭。故名。為固。地方萬里。改

元大慶。設十六司以總庶務。置十二監軍司。委酋豪分

統其眾。軍兵總計五十餘萬。發兵則以銀牌召部長。自

製蕃書。形體方正。類八分。以教國人紀事。

初。華州有二生。曰張曰吳。

者。久困場屋。薄遊塞上。聞元吳有意窺中國。遂叛而往。即其都門之酒家。劇飲終日。引筆書壁曰。張元吳吳來。飲此邏者執之。元吳責以入國問諱之義。二人大言曰。姓尚不理會。乃理會名邪。時元吳用中國賜姓。二人故云。元吳疎然異之。曰。尊寵用事。凡夏人立國規模。入寇謀畫。皆二人所導也。

丁丑四年春二月。祠赤帝于宮中。

初。乾德中。太常博士聶崇義言。皇帝以火德。上承正統。請以赤帝為感生帝。每歲正月。別壇而祭。至是以祈嗣。

乃置像宮中祠之。

夏四月呂夷簡王曾宋綬蔡齊罷以王隨陳堯佐同平章事韓億程琳石中立

字表臣熙載子

參知政事盛度知樞密院事

王巖

字總之趙州臨城人

同知院事

初夷簡事曾甚謹曾力薦爲相及曾復入中書位反居下而夷簡任事久多所專決曾不能堪議論間有異同遂力求罷帝疑之問曾曰卿亦有所不足邪時外傳夷簡納賂曾因及之帝以問夷簡夷簡乞置對遂交論帝前而曾語亦有失實者求去益力夷簡亦乞罷時曾與蔡齊善而夷簡善宋綬惟盛度不得志于二人而性猜險每有所議依違其間及是帝問度曰曾夷簡力求退

何也。度對曰。二人心事。臣不得知。陛下詢二人以孰可代者。則其情可察矣。帝從之。曾薦齊。夷簡薦綬。于是四人俱罷。而度獨留。

冬十二月地震。

京師及定襄并代。忻州皆震。而并代忻尤甚。壞民廬舍。

壓死者二萬二千餘人。傷者五千六百人。直史館葉清

臣

字道卿。蘇州長洲人。

上言。京師地震。及大河之東。彌千五百里。

誠大異也。陛下泰然不以爲異。徒使內侍四方崇佛事。

修道科。非所謂消復之實也。頃范仲淹。余靖。以言事被

黜。天下之人。齟舌不敢議朝政者。將二年。願陛下深自

咎責。詳延忠直敢言之士。庶幾明威降鑒。善應來集。書

奏數日。仲淹等皆得近徙。

戊寅寶元元年春正月戊戌朔日食。續綱目不書。今依宋史天文志補。詔求

直言。

時有衆星西北流。雷發不時。下詔求直言。大理評事蘇

舜欽

字子美。易簡孫。

言。臣觀國史。祖宗日日視朝。旣旣方罷。猶

坐後苑門。召對白事者。委曲詢訪。今陛下春秋鼎盛。實宵旰求治之秋。乃隔日御殿。此政事不親也。三司計度經費。二十倍于祖宗之時。府庫匱竭。斂科無虛日。此用度不足也。二者誠國大憂。願陛下因此災變。修己以御人。洗心以鑒物。勤聽斷。舍燕安。放優諧。近習之纖人。親剛明。鯁直之良士。以思永圖。疏入詔。復日御前殿。

三月王隨陳堯佐韓億石中立免

隨爲相無所建明而數與堯佐億中立爭事會災異屢見右司諫韓琦言隨堯佐中立非輔弼才億不當以子綱爲羣牧判官遂皆免琦遇事敢言切而不迂在諫垣前後凡七十餘疏

以張士遜章得象

字希言建州浦城人

同平章事王巖李若谷

字子淵徐

州豐人

參知政事王博文

字仲明曹州濟陰人

陳執中同知樞密院事

得象爲翰林學士時莊獻太后每遣內侍至學士院得象必正色待之或不交一言帝聞而器之至是謂曰向者太后垂簾羣臣邪正朕皆默識惟卿清忠無所阿附且未嘗干請今日用卿職由此也

博文尋卒以張觀同知樞密院事張觀

字思正絳州絳縣人

冬十月詔戒百官朋黨

范仲淹既徙潤州。讒者恐仲淹復用。遽誣以事。語入帝怒。亟命置之嶺南。中外論薦仲淹者衆。帝以其涉朋黨。下詔戒之。

趙元昊殺其叔父山遇。遂反。

元昊遣使請五臺供佛。以窺河東道路。既還。與諸酋歃血約。先攻鄜延。欲自靖德。

當作德靖。故城在今延安府保安縣。

塞門砦。今在

延安府保塞縣。

赤城路。在今平涼府崇信縣。

三道並入。其叔父山遇數勸

元昊勿反。不聽。山遇遂挈妻子來降。知延州郭勸執還

元昊。元昊殺之。遂稱帝。改元。天授禮法延祚。國號夏。遣

山遇以勸沮。元昊叛謀不見聽。納摯眷欵降。且既至中國。投誠誼。難復歸故土。郭勸即當馳奏朝廷。撫綏安輯。並覘其虛實。益謹邊防。顧乃執還夏人。聽其戕

害既失招徠之義並疎禦
敵之方雖元昊逆跡早萌
不因此而生釁而稱兵之
速勸實促之當日朝廷未
聞加以譴責何邪

使奉表有云望許西郊之地冊爲南面之君敢竭庸愚
常敦歡好

十一月沂公王曾卒。諡文正。

曾性資端厚在朝廷進止有常處平居寡言笑人不敢
干以私進退士人莫有知者范仲淹嘗謂曾曰明揚士
類宰相任也公之盛德獨少此爾曾曰恩欲歸己怨將
誰歸邪仲淹服其言及卒贈侍中。曾無子皇祐中其弟子融援唐元宗賜裴
耀卿碑額例請帝親篆其碑許
之題曰旌賢大臣賜碑自曾始。

十二月京師地震。

以夏竦爲涇原秦鳳安撫使范雍爲鄜延環慶安撫使經
略夏州。

夏竦畏敵如虎意在株守而不在征討邊事安得不壞朝廷既知其怯何不選將易之而聽其姑息貽害邪即其所條十事亦係臨渴掘井之謀且止為防守計惟欲藉置勒斯資之力以當夏人更不免於示弱而廷議多采用之其不能振作有為亦可知矣

時鄜延路奏趙元昊反故有是命已而移竦知涇州與雍俱兼經畧使又命天章閣待制龐籍體量陝西詔籍就竦計事竦上疏以為德明元昊相繼猖獗今若不較主客之利不計攻守之便而輒議追討非良策也。因條上十事。一教習彊弩以為奇兵。二羈縻屬羌為藩籬。三詔置勒斯資并力破賊。四度地勢險易遠近砦柵多少而增減屯兵。五詔諸路互相應援。六募土人為兵以代東兵。七增置弓手壯丁以備城守。八併並邊小砦以完兵力。九聽關中民入粟贖罪以贍邊計。十損並邊冗兵冗官以紓饋餉。朝廷多采用之。然是時邊臣方議征討多以竦為怯。

加吐蕃置勒斯資保順節度使。

自李繼遷陷西涼巴喇濟舊部往往歸置勒斯資。回紇降者復數萬。置勒斯資居鄯州西有臨谷城。在今西寧縣。通

青海高昌諸國商人趨之以貿易由是富彊朝廷欲使背擊元昊以披其勢因授節鉞仍兼邈川大首領尋加河西節度使且勒斯資約盡力無負然終不能立大功

已卯二年夏四月募民入粟實邊

五月罷王德用以夏守贊

字子美守恩弟

知樞密院事

趙元昊反德用請自將討之不許德用狀貌雄毅面黑頸以下白皙人皆異之言者論其貌類藝祖且得士心不宜久典機密遂罷言者猶不已遂降知隨州家人惶懼而德用舉止言笑自若惟不接賓客而已

六月削趙元昊賜姓官爵

元昊表至羣臣皆曰元昊小醜出師討之當卽誅滅諫

官吳育

字春卿。建安人。

獨進曰。元昊雖稱藩臣。其尺賦斗租不

入縣官。且叛服不常。請置之。示不足責。且彼已僭輿服。

勢必不能自削。宜援國初江南故事。稍易其名。可以順

附而收之。不報。未幾。下詔削奪元昊官爵。絕互市。揭榜

于邊募人能擒元昊。若斬首獻者。即授定難節鉞。

已而元昊

又遣賀永年齎嫚書。

納旌節及所授收告。置神明匣。留古納克族而去。古納克族蕃部名。舊作歸孃。今改正。

詔省浮費。

時陝西用兵。調費日蹙。命近臣及三司議省浮費。右司

諫韓琦言。省費當自掖庭始。請令三司取先朝及近歲

賜予之數。裁爲中制。無名者罷之。乃詔自乘輿服御。及

宮掖所須。務從簡約。或欲損兵吏俸賜。帝曰。祿廩皆有

定制。母遽更變。以搖人心。宜申諭之。

秋七月。契丹主宗真迎其母蕭氏于慶州。

蕭氏居慶州五年。或勸契丹主迎之。以覲中國歲幣之利。契丹主悔悟。乃奉迎還京。然出入舍止。常相距十數里。陰爲之備。

冬十一月。盛度程琳罷。以王巖知樞密院事。宋庠參知政事。

初。張士遜惡琳。而嫉孔道輔不附已。欲并去之。會開封府吏馮士元以贓敗。知府鄭戩

字天休。蘇州吳縣人。

窮治之。辭連

度琳。及天章閣待制龐籍。直集賢院呂公綽

字仲裕。

太常

博士呂公弼

字宗臣。並夷簡子。

等十餘人。士遜謂道輔曰。上顧

青猛銳善戰敵自不敢撓其鋒所向披靡亦其勇畧使然耳非披髮面具之足以制勝也史既艷稱其事不知者將舉其末節以為克捷之由不亦驚竒失實邪

程公厚。今為小人所誣。盡見上辨之。道輔不悟。入言琳

罪薄。不足深治。帝以道輔朋附。怒。于是度琳俱坐免。出

知揚州。琳籍等並被黜罰。士元流海島。道輔亦出知鄆

州。道輔始知為士遜所賣。發憤而卒。然天下皆以遺直許之。

夏人寇保安軍。宋置。今延安府保安縣是。巡檢指揮使狄青。字漢臣。汾州河西人。

擊敗之。

青初以善騎射。為騎御散直。從西征。戰安遠。本蕃部舊砦。在延安

府安塞縣北。諸砦皆克捷。臨敵披髮帶銅面具。出入賊中。皆

披靡莫敢當。至是。元昊寇保安軍。鈴轄盧守勲。字君錫。開封祥符

人。使青擊走之。以功加秦州刺史。帝欲召見。問以方畧。

會賊寇渭州。命圖形以進。

庚辰康定元年春正月丙辰朔日食。

先是司天楊惟德請移閏于庚辰歲則日食在正月之晦。帝曰。閏所以正天時而授民事。其可曲避乎。不許。至是知諫院富弼請罷宴徹樂。就館賜北使酒食。執政不可。弼曰。萬一契丹行之。豈不為朝廷羞。既而聞契丹罷宴。帝深悔之。

元昊寇延州。執副總管劉平。

字士衡。開封祥符人。

石元孫。

字善長。守信孫。平

死之。

續綱目作劉平。石元孫戰歿。考平與元孫同被執。而平死節。元孫留賊中。不得並書戰歿。今改書。二

月。貶范雍知安州。

延州當夏人出入之衝。地濶砦疎。土兵寡弱。又無宿將。雍請益師。不報。未幾。元昊詐遣人通欵于雍。雍信之。不

設備。既而元昊引兵攻保安軍。破金明砦。本隋金明縣。宋改為砦。故

城在延安府安塞縣。執都監李士彬。延州金明人。父子乘勝至延州城

下。雍令石元孫出戰。又以書召劉平于慶州。平督騎兵

先發。步卒繼進。夜至三川口。宜川。延州洛川之口。在今安塞縣北。西十

里止營。時鄜延都監黃德和巡檢万俟政郭遵。開封人。分

屯外境。雍皆召還為援。平與之合。步騎萬餘東行五里

許。與賊遇。遭擊退之。賊蒙盾而陳。官軍復奪其盾。殺獲

及溺死者近千人。日暮。賊以輕兵來薄。官軍小却。德和

望見。遽率麾下走保西南山。眾從之。皆潰。平遣其子宜

孫馳追德和。語曰。當并力抗賊。奈何先奔。德和不從。驟

馬遁赴甘泉。唐縣。今屬延安府。平遣軍校遮留。得千餘人。轉鬪

三日退保西南山。立柵自固。夜四鼓。賊環營呼曰。如許殘兵。不降何待。平旦。賊白山四出合擊。絕官軍爲二。平遂與元孫俱被執。平不食。數罵曰。何不速殺我。遂遇害。元孫留賊中。會大雪。賊解去。延州得不陷。德和旣遁。輒誣平降賊。詔殿中侍御史文彥博。字寬夫。汾州介休人。卽河中置獄問狀。德和坐腰斬。雍貶知安州。朝廷不知元孫未死。詔與平俱贈官。後元吳歸款。縱元孫歸。諫官請斬塞下。以賈昌朝奏。貸之。安置全州。以夏守贊爲陝西經畧安撫招討使。內侍王守忠爲都鈴

轄。

金明若之敗。由於范雍庸懦。無備。白當愼簡幹才。代將以叶師。其用非其人。置鈴轄何益。况奄寺在軍。小則沮撓。大則齟齬。憤輟終唐之世。弊患百出。

知諫院富弼言。唐之衰。以內臣監軍。取敗非一。今守忠爲鈴轄。與監軍無異。昨用夏守贊。已失人望。願罷守忠。

宗何亦踵前車覆轍邪

勿遣不聽。

除越職言事之禁

西事日擾。括畿內京東西淮南馬。詔諸路轉運提刑訪知邊事者以聞。又詔樞密同宰臣議邊事。出內藏緡錢八十萬。陝西糴軍儲。釋寇所至州縣罪。並免夏稅。時禁越職言事。富弼因論日食。謂應天變。莫若通下情。帝嘉納之。于是盡除其禁。許中外臣庶上封章言朝政得失。命知制誥韓琦安撫陝西。

琦使蜀歸。論西師形勢甚急。卽命安撫陝西。琦言。范雍節制無狀。宜召知越州范仲淹委任之。方陛下焦勞之際。臣豈敢避形迹不言。若涉朋比。誤國家。當族。帝從之。

召范仲淹知永興軍。

三月王醜陳執中張觀免。以晏殊宋綬知樞密院事。王貽

永字繼長溥之孫同知院事。

天聖中醜使河北過真定時曹瑋爲總管醜見之瑋謂曰君異日當柄用願留意邊防醜曰何以教之瑋曰吾聞趙德明嘗使人以馬權易漢物不如意欲殺之少子元昊年方十歲諫曰我戎人本從事鞍馬而以資鄰國易不急之物已爲非策又從而殺之失衆心矣德明從之吾嘗使人覘元昊狀貌異常他日必爲邊患醜未以爲然比再入樞密元昊果反帝數問邊事醜不能對及劉平戰歿議刺鄉兵久未決帝怒遂與執中觀同免醜

始歎瑋之明識。

夏五月張士遜致仕以呂夷簡同平章事。

時軍興機務填委士遜位首相無所建明諫官以爲言。士遜不自安上章請老詔以太傅致仕宰相得謝自士遜始。

以夏竦爲陝西經畧安撫招討使韓琦范仲淹副之詔夏守贊王守忠還。

守贊庸怯寡方畧詔與王守忠赴關以竦等代之。

仲淹上言

今邊城之備十有五七關中之備十無二三若吳賊深入乘關中之虛東阻潼關隔兩川貢賦則朝廷不得高枕矣爲今之計宜嚴戒邊備使持久可守充實關內使無虛可乘寇至邊城清野不得大戰關中稍實不能深入二三年間彼自困弱此上策也今邊城請五路入討臣恐承平歲久無宿將精兵且與深入之謀國之安

危。未可知也。已而元昊陷塞門砦。執砦主高延德以去。又陷安遠。承平二砦。著作佐郎張方平上平戎十策。其畧以爲宜屯重兵河東。示以形勢。賊入寇。必自延渭。而興州巢穴之守必虛。我師自麟府渡河。不十日可至。此所謂攻其所必救。形格勢禁之道也。宰臣呂夷簡雖善其策。而不果行。承平砦在延安府安定縣北。張方平字安道。南京人。

以范仲淹兼知延州。

延州諸砦多失守。仲淹請自行。詔兼知延州。先是。詔分邊兵總管領萬人。鈐轄領五千。人都監領三千。寇至禦之。則官卑者先出。仲淹曰。將不擇人。以官爲序。取敗之道也。于是大閱州兵。得萬八千人。分六將領之。日夜訓練。量賊衆寡。使更出禦。敵人聞之。相戒曰。無以延州爲意。今小范老子腹中自有數萬甲兵。不比大范老子可欺。大范指雍也。仲淹以民遠輸勞苦。請建鄜城。

爲軍以何中府同華州中下戶租稅就輸之春夏徙兵就食可省糴之十三他所減不與去聲詔以爲康定軍

仲淹又修承平永平等砦

永平等砦在延安府延川縣西北

稍招還流亡

定堡障通斥堠城十二砦于是羌漢之民相踵歸業

九月元昊寇三川諸砦

三川砦宋置在平涼府固原州東南

環慶副總管任

福

字祐之開封人

攻其白豹城

在今慶陽府安化縣北

克之

元昊寇三川諸砦韓琦使任福領兵七千聲言巡邊部分諸將夜趨七十里至白豹城平明克之破四十一族

焚其餘積而還

鄜州將种世衡

字仲平放兄子

城青澗

本寬州壘宋建城金升爲縣今屬綏德州

時塞門諸砦旣陷鄜州判官种世衡言延安東北二百

里有故寬州城。請因廢壘而興之。以當寇衝。右可固延安之勢。左可致河東之粟。北可圖銀夏之舊。朝廷從之。命世衡董其役。夏人屢來爭。世衡且戰且城。然處險無泉。議不可守。鑿地百五十尺。至石。不及泉。工辭不可穿。世衡命屑石一畚。酬百錢。卒得泉。以濟。城成。賜名青澗。以世衡知城事。世衡開營田。募商賈。通貨利。城遂富實。冬十月。詔內降升遷者執奏。

莊獻垂簾之際。請謁盛行。無耻者至。援劉美家婢干進朝政。混亂極矣。仁宗蓋深鑒其弊。故一聞韓琦之奏。卽禁皇族及命婦等。非

先是韓琦言。祖宗于賞罰任使。必與兩省大臣升朝公議。自莊獻垂簾。遂有假托因緣。或于內中下表。或口爲奏求。以致僥倖。日滋。賞罰倒置。蠹壞綱紀。爲害至深。臣乞自今。于凡因緣陳乞者。卽降出姓名。并爲奏求人。並

時入內復許執奏內降升
遷誠得杜漸防微之要矣

重行貶責。則聖政無私。朝規有序矣。帝嘉納之。詔禁皇
族及諸命婦女冠尼等。非時入內。至是復詔凡有內降
升遷及差遣者。許執奏。

十二月鑄當十錢。

助邊費也。

辛巳慶歷元年春正月。詔鄜延涇原會兵討元昊。不果行。

帝以元昊勢益猖獗。遣翰林學士晁宗慤。

字世良。澶州清豐人。卽

陝西問攻守之策。夏竦等具二說。令副使韓琦判官尹

洙詣闕奏之。帝取攻策。執政以爲難。杜衍亦曰。倣倖成

功。非萬全之計。帝不聽。詔鄜延涇原會兵。期以正月進

討。范仲淹言。正月塞外大寒。我師暴露。不如俟春深。賊

塞外冬寒草枯賊牧放無
資易於制服且逆料中國
之不能冒冰雪以深入守
禦必弛若乘時以攻其無
備奚止事半功倍至春深

則豈長馬肥敵得逞其長
技此主客彊弱一定之勢
仲淹未能深悉邊情習見
漢人之不耐饑寒遂不免
爲迂濶之論或者爲庸懦
將卒浮言所惑不暇致詳
非善於籌邊者也

馬瘦人饑。勢易制。且鄜延密邇靈夏。西羌必由之地。乞
留此一路。以備招納。或擇利進城廢砦。以牽制元昊。帝
從之。仍詔仲淹與琦等同謀。可以應機乘便。卽仍出師。
琦奏言。兩路協力。尙懼未能大剷黠虜。若鄜延以牽制
爲名。則是委涇原孤軍。嘗于賊手。非計之得。乞督令鄜
延進兵同入。帝以奏示仲淹。仲淹言。臣與琦等皆一心。
非有怯弱。但戰者危事。一或差失。則平定之期。轉延歲
月。况橫山。在榆林府懷遠縣南。與
延安府安定縣接界。蕃部散居。亦多設堡
控扼。兵少則難追。多則難進。未見其利。琦又令尹洙至
延州議。仲淹堅執不可。琦復上奏曰。仲淹意在招納。使
朝廷彊之。終非已謀。將佐聞之。必無銳志。臣以賊昊傾

國人寇。不過四五萬。我兵逐路自守。勢分力弱。故遇敵不支。若大軍併出。鼓行而前。乘賊驕惰。其破可必。今中外不究此故。遂乃待賊太過。屯二十萬重兵。只守界濠。中夏之弱。自古未有。臣恐邊障日虛。士氣日喪。經費益感。乞別命近臣。以觀賊隙。如可進討。斷在不疑。朝廷終難之。

元昊遣人至延州議和。范仲淹以書諭之。

考宋史。范仲淹傳。元昊請和于

仲淹。在好水之戰前。夏國傳。在好水之戰後。韓琦傳。與仲淹傳畧同。續綱目敘次。以韓范二傳爲斷。今依之。

元昊歸陷將高延德于延州。與范仲淹約和。仲淹自爲書遺元昊。反覆戒諭。令去帝號。盡臣節。以報累朝厚待之恩。會元昊亦求盟于韓琦。琦曰。無約而請和者。謀也。

命諸將戒嚴而自行邊。

二月元昊寇渭州。宋置治平涼唐時渭州已沒吐蕃故移置于此。任福與戰于好

水川。今名甜水河在平涼府隆德縣東源出六盤山西南流與苦水合苦水即瓦亭水也。敗死貶韓

琦知秦州。

韓琦行邊至高平。此宋砦在平涼府鎮原縣北非古高平城也。元昊果遣衆

寇渭州薄懷遠城。本赤藁城明道中賜名在隆德縣東南。琦乃趨鎮戎軍

宋置今固原州是。盡出其兵命環慶副總管任福將之以耿傅

字公弼河南人。參軍事涇原都監桑懌雍邱人。為先鋒朱觀武英

字漢傑太原人。王珪開封人。各以所部從福將行琦戒令自懷遠

趨德勝砦。宋置在平涼府靜寧州東北。至羊牧隆城。在隆德縣西北即邪沒隴川宋

于此。出敵後度勢未可戰即據險置伏要其歸路且曰

西夏之役韓琦主攻戰而范仲淹主和守議者徒見好水川之敗遂多咎琦而臆仲淹者不知任福不遵琦節制其致敗非琦所能逆料而仲淹之和終亦奚能成哉徒以通書獲罪耶笑外敵而無補於中國蓋

庸懦之流畏事惡勞一聞戰則咋舌感額若恐矢石之及已而一聞和則以為保全生靈為國遠謀彼其於國家之安危榮辱固未嘗計及也如是之人而可與之策攻戰和守之議哉

數銀泥合安能藏鴿百餘且自設伏至交鋒已將經日鴿性不耐閉氣封識過久勢將垂斃又安能復起盤飛此蓋償敗之餘其殘

苟違節制有功亦斬福引輕騎數千趨懷遠掠龍川隆在

德縣東南遇鎮戎西路巡檢常鼎劉肅與敵戰于張家堡南

敵佯北桑懌引騎趨之福踵其後謀傳敵兵少福等頗

易之薄暮與懌合軍屯好水川朱觀武英屯籠絡川在好

水川南相距五里時元昊自將精兵十萬營于川口諸將

已入其伏中猶不知約以翌日會兵不使夏人一騎遁

詰旦福與懌循好水川西行出六盤山在隆德縣東與固原州接界

下距羊牧隆城五里與夏軍遇方知墮敵計勢不可留

遂格戰懌于道傍得數銀泥合封襲謹密中有動躍聲

疑莫敢發福至發之乃懸哨家鴿百餘自中起盤飛軍

上于是夏兵四合懌犯其鋒福陣未成列賊縱鐵騎

其悉欲歸咎於已歿之任
福遂爾傳聞失實不足信
也

突之。自辰至午。陣動。衆欲據勝地。忽夏人陣中樹鮑老

旗。

戲幢也。

長二丈餘。懾等莫測。旣而旗左麾。左伏起。右麾。

右伏起。翼而擊之。官軍大敗。懾肅戰死。福身被十餘矢。

小校劉進勸福自免。福曰。吾爲大將。兵敗以死報國爾。

力戰鎗中左頰。絕其喉而死。子懷亮亦死之。先是渭川

都監趙津將瓦亭。

宋砦在平涼縣。以瓦亭關名。瓦亭關在平涼府華亭縣西北。是爲東瓦亭。

其西瓦亭在秦州泰安縣東北。騎兵三千爲後繼。至是與朱觀武英遇。

合兵拒戰。王珪亦自羊牧隆城引屯兵四千五百助觀。

掠陣。陣堅不可破。英被重傷。不能視軍。敵兵益至。衆遂

潰。英。津。珪。傳。皆死。惟觀以兵千餘保民垣發矢四射。會

暮。敵引去。得還。將士死者萬三百人。關右大震。時元昊

傾國入寇。福臨敵受命。所統皆非素撫之兵。又分出趨利。故至甚敗。奏至。帝震悼。爲之旰食。夏竦使人收散兵。得琦檄于福衣帶間。言罪不在琦。琦亦上章自劾。猶奪一官。徙知秦州。

三月。貶范仲淹知耀州。

元昊答仲淹書。以好水川之勝。語多不遜。仲淹對來使焚之。朝議以仲淹不當擅通書。又不當擅焚之。宋庠請斬仲淹。杜衍曰。仲淹志在招納。蓋忠于朝廷也。何可深罪。帝乃降仲淹戶部員外郎。徙知耀州。未幾。復徙慶州。夏四月。以陳執中同陝西安撫。經畧招討使。

時夏竦判永興軍。執中知軍事。議多異同。故分命竦屯

鄜州執中屯涇州

疎雅意在朝廷及任以西事頗依違顧避嘗出巡邊置侍婢中軍帳下幾

至兵變元昊命募得疎首者與錢三千其見輕侮如此

五月朱庠鄭戢罷以王舉正

字伯中化基子參知政事任中師

字祖

聖中任布

字應之河南人

為樞密副使

庠練習典故遇事輒分別是非戢果敢任氣皆與呂夷簡不合因罷凡庠與善者夷簡悉指為朋黨斥之

秋八月元昊陷豐州

注見前

冬十月夏竦陳執中免

元昊寇麟府州折繼閔

德展曾孫

敗之尋寇金明破寧遠

宋

在葭州府谷縣西

進圍豐州孤城無援遂陷元昊又遣兵分屯

要害以絕麟州餉道會管勾麟府軍馬事張亢

字公壽濮州人

破賊于栢子砦

在府谷縣北

及兔毛川

在葭州神木縣西北

遂築十餘

柵河外始固。知諫院張方平言。夏竦爲統帥。三歲于茲。師惟不出。出則喪敗。寇惟不來。來必殘蕩。安用爲統帥也。今將校被斥。而帥不加罪。非刑賞之公。乃改竦判河中。執中知陝州。

分陝西爲四路。以韓琦王汾

字聖源。大名館陶人。

范仲淹。龐籍。兼經

畧安撫招討使。

分秦鳳涇原環慶鄜延爲四路。各置使。琦知秦州。汾知渭州。仲淹知慶州。籍知延州。詔分領之。張方平言。涇原最當賊衝。王汾未愜人望。不當與琦同等列。不報。琦上言。請于鄜慶渭三州。各更益兵三萬人。拔用有勇畧將帥。統領訓練。預分部曲。遠斥候。西賊一有舉動。則先據

要害觀利整陣。併力擊之。又于賊未集之時。出已整之兵。淺入大掠。招其種落。築壘拓地。別立經制。朝廷傾內帑三分之一。分助邊用。使行間覘賊。如此則二三年間。賊力漸屈。平定有期矣。籍至延州。城砦焚掠殆盡。籍稍葺治之。命部將狄青將萬人。築招安砦于橋子谷旁。在延安府安塞縣西北。以斷寇出入之路。又使周美字之純。靈州回樂人。襲取承平砦。王信字公亮。太原人。築龍安砦。在安塞縣北。悉復所亡地。築十一城。延民以安。初元昊陰誘屬羌爲助。環慶酋長六百餘人。約爲鄉導。事尋露。仲淹以其反覆不常。至部卽奏行邊。以詔書犒賞諸羌。爲立條約。諸羌皆受命。自是爲中國用。羌人親愛之。呼爲龍圖老子。仲淹又據

要險築大順城。

在慶陽府安化縣北。

度賊必爭。密遣其子純佑。

字天

成。與蕃將趙明先據其地。旬日城成。賊以三萬騎來戰。

佯北。仲淹戒勿追。已而果有伏。大順既城。而白豹金湯。

砦名。在安北縣東北。與延安榆林接界。

皆不敢犯。環慶自此寇盜益少。

仲淹

在邊。純佑年方冠。與將卒錯處。鈞深摘隱。得其材否。由是仲淹任人無失。所向有功。



